



女

聖濟總錄纂要

中武 9
123
7

共十



門七武
號 123
卷 1

問氏
森庭

同書

聖濟總錄纂要 卷之十五

新安

程 林雲來 纂

程之謨象六 較

程芝蔴蘭穎

江 湘郢上 閱

大小便門

大小便關格不通

小便不通

小便不禁

大小便統論

論曰脾胃大小腸膀胱者倉廩之本營之居也名曰器能

聖濟總錄纂要 卷之十五 大小便門 一

治明
年

聖濟總錄卷之五
化糟粕轉味而入出者也蓋營受水穀之真精榮衛之根源大小腸膀胱得以變化皆營爲之本是以小腸爲受盛之官水穀之未分也及其化物歸于膀胱而爲溺轉于大腸而爲糟粕必由氣化則能出矣或陰陽之氣不平寒熱相勝或氣實塞而不通或氣虛損而遺泄或燥而結或熱而秘皆陰陽不和之病也治此者勿概以寒熱爲法寒劑滌蕩熱劑枯燥反傷和氣耗其精血津液若關格不通三焦約病責以榮衛之否塞若產後便難與夫老者秘澀之病又以津液不足止可滑以利之潤以滋之苟蕩以快劑

則糟粕不通真氣受弊不可不知也

大小便關格不通

論曰大小便不通者陰陽關格三焦約之病也陰陽和平三焦升降則水穀糟粕以時傳導今陰陽偏盛氣否于中則榮衛因之以不行故氣結于腹內脹滿不通而大小腸俱閉塞也

芫消湯方 治關格不通脬腸妨悶大小便不通

芫消

二兩半

冬葵子

炒三合

滑石

三兩

三味除芫消外

咬咀每服五錢水煎再入芫消末半錢更煎空心溫

聖濟新金匱要略卷之十一 五格不通

服

茱萸湯方 治腹脅脹滿關格大小便不通

吳茱萸湯浸炒 大黃 當歸 桂心 赤芍藥 甘草

芎藭各二兩 人參 細辛各四兩 桃白皮一握 乾

姜一兩 雄黃三分 珍珠末半兩與雄黃同細研 右十三味將十

一味搗篩每服三錢水煎再入雄黃珍珠末一字酒半盞更煎三沸空心服之

車前子湯方 治大小便俱不通

車前子五兩生用 木通四兩 黃芩 郁李仁湯浸去皮尖雙仁研如膏

各三兩 右四味將前三味搗篩與郁李仁拌勻每服五

錢入苾消半錢同煎服

豬脂酒方 治大小便不通

豬脂半鷄子大切 一味以酒一升微煮沸投豬脂更煎二

沸分為二度食前溫服未通再服

髮灰散方 治大小便不通

亂髮一兩淨燒灰 一味細研每服三錢溫水調食前服日

三以通利為度

茯苓丸方 治大小便不通

大小便關 三

赤茯苓 芍藥 當歸 枳殼 白朮 人參 各五兩

大麻仁 大黃 各三兩 共八味為末鍊蜜丸如梧桐子

大每服十五丸至二十九丸空心煎茅根湯下

治大小便不通腰脅堅脹蒸下部方

蓮葉 三兩 葱 三七莖并鬚用 皂莢 一挺炙剉 生姜 一兩切 共四

味以漿一斗二升煮十餘沸并滓分兩度用旋盛入

小白瓷缸中坐缸口上薰蒸冷則易之未通再傾藥

于桶斛中添熱水坐蘸下部即通

小便不通

論曰腎臟不足氣不傳化膀胱有熱水道不宣故小便不

通也令人小腹脹滿其氣上衝心腹膨否甚則喘急不能

升降內經曰膀胱不利為癃者如此也

滑石散方 治小便淋澀疼痛不通

滑石 海金沙 木通 等分 三味為散每服二錢煎燈

心湯調下

松煙散方 治小便不通

墨 上好者小濃研汁半盞 酒 半盞 葱白 三莖 膩粉 研半錢 四味

同煎至七分发溫去葱白頓服即通

獨蒜塗臍方 治小便不通

獨顆大蒜

一枚

梔子仁

三七枚

鹽花

少許

三味爛搗攤

紙上貼臍良久即通未通塗陰囊上立通

治小便不通久即成淋方

以琥珀搗研成粉每服二錢

濃煎萱草根汁調下空心或食前服葱湯調下亦

杏仁散方 治卒不得小便

杏仁

去皮尖雙仁二錢

一味炒黃研細末米飲調下立差

牛膝湯方

治小便不通莖中痛及女子血結腹堅痛

生牛膝

根莖葉一握

黃芩

半兩

當歸

一兩

三味細剉每服

五錢水煎溫服

桑螵蛸湯方

治小便不通

桑螵蛸

炙三枚

黃芩

二兩

二味細剉用水三盞煎分溫

二服相次頓服

治小便不通臍下急痛脹悶欲絕鹽熨方

鹽

二觔

一味鍋中炒令極熟布帛裝熨臍小腹以小便

通快為度

石韋湯方

治小便不利

石韋

去毛

瞿麥穗

冬葵子

各二兩

滑石

五兩

共四味

擣羅為散每服二錢溫水調食前服

治小便不通方

蓬莪茂

藁香子

茶葉

各半

三味擣羅為散水煎

入鹽二錢葱白二寸同煎空心服

小便不禁

論曰內經言膀胱不約為遺溺亦腎虛不能約制水液故
便利多甚則下焦傷竭真氣不固而小便不禁也

菴蓉丸方

治腎臟虛冷腰膝無力小便不利不禁或溺

白色

肉菴蓉

淨剉去皺皮酒浸二宿薄切焙乾二兩半

杜仲

去粗皮二兩半炙紫色橫剉

黃耆

三兩水淘去浮者焙三兩焙乾

桂心

二兩酒浸

山茱萸

二兩

右七味擣羅為細末鍊蜜丸和更入臼內

塗酥杵令勻丸如梧桐子大每日空心煎黃耆湯下

三十九丸至晚再服

鹿茸散方

治腎臟虛腰膝疼冷夜遺小便

鹿茸

去毛酥炙令黃

烏賊魚骨

去甲炙各三兩

當歸

白芍藥

龍骨

研

人參

桑寄生

各一兩

桑螵蛸

一兩甲劈破慢火炙令黃

右八味擣前七味為末更與龍骨同研令勻細每服

一錢酒溫調服日三

兔絲子散方 治小便不禁

兔絲子

酒浸一宿焙乾微炒別研細如粉一兩

蒲黃

炒

黃連

各一兩半

肉苁蓉

酒浸一兩

五味子

雞臙脰黃皮

炙黃色一兩半

共六

味先搗四味為細散再入兔絲子粉與蒲黃同研勻細每服兩錢酒調食前服日三

黃耆散方 治小便不禁

黃耆

狗脊

去毛

牡蠣

煨

肉苁蓉

酒浸切焙各一兩

葶藶

牛膝

酒浸

赤石脂

研

山茱萸

各二兩半

土瓜根

三兩

右

九味先搗羅八味為散更與赤石脂同研勻每服一

錢酒調食前服至午間夜臥各一服加至二錢

鷄腸散方

治小便不禁日夜無數

黃雄鷄腸

四具切破淨洗炙黃

肉苁蓉

酒浸

苦參

赤石脂

研

白石脂

研

黃連

各五兩

共六味搗四味為散更與赤

白二石脂同研勻細每服二錢酒調食前服日二

鵲巢散方

治小便不禁

重鵲巢中草

一斤燒作灰細研如粉

薔薇根皮

去皮五兩

二味先

搗薔薇根為散每服三錢水煎去滓再入鵲巢灰二

聖濟總錄卷之十五
二錢空心服

小便利多 小便出血

小便利多

論曰腎者主水膀胱為腑今腎氣不足膀胱有寒不能約制水液令津滑氣虛故小便利多久不差則腎氣傷憊真元耗損腰脊痠痛身體寒顫羸乏之病生焉

覆盆子丸方 治元臟虛弱臍腹疼痛膝脛少力百節痠

疼昏倦多睡小便頻濁頭旋痰唾背脊拘急飲食無

味溫順臟氣補益下經

覆盆子 黃耆 肉蓯蓉 烏藥 五味子 石斛

補骨脂 澤瀉 萆澄茄 沉香 巴戟天一兩 芎藭

當歸 赤芍藥 山茱萸各三分 兔絲子酒浸三日

熟乾地黄兩半 共羅為末鍊蜜和丸如梧桐子大每服

二十九加至三十丸食前溫酒下米飲鹽湯亦可

八味補骨脂丸方 治小便滑數

補骨脂 巴戟天去心 桑螵蛸炒 兔絲子酒浸三日別研

牛膝酒浸切焙 乾姜兩半 熟乾地黄兩 枳殼麴炒去

共擣羅為末酒煮麴糊和丸如梧桐子大每服二十

丸空心食前溫酒下粟米飲亦可

雌黃丸方 治小便滑數

雌黃

研如粉 一兩半

乾姜

半兩剉入鹽四錢同炒黃色

共搗研為末用

乾蒸餅為末入水內拌和搗熟丸如菜豆大每服十

丸加至二十九空心鹽湯下

牡蠣丸方 治膀胱虛寒小便數

牡蠣

獨活

狗脊

去毛 三分

肉蓯蓉

一兩

龍骨

半兩

共

為末鍊蜜和丸如梧桐子大每服二十九鹽湯下空

心食前

治小便頻數及引飲不止糯米糝方 取純糯米糝一手

大臨臥灸令輒熟啖之以溫酒送下不飲酒人湯下多

啖彌佳行坐良久待心空便臥一夜十餘行者服之即

止或言假火氣溫水道不然也大抵糯稻止縮水凡人

夜飲酒者夜輒不溺此糯米之力也昔有人病渴殆死

有人用糯稻稈及根斬去穗取中心淨器中燒作灰每

用一合許湯一碗沃浸良久澄去其滓嘗味如薄灰汁

乘渴令頓飲之是夜減飲水七八升此亦糯稻縮水之

一驗也

小便出血

論曰內經謂悲哀太甚則胞絡絕絕則陽氣動中數洩血又曰胞移熱於膀胱則癢溺血二者皆虛熱妄溢故洩血不止也治宜去邪熱調心氣

金黃湯方 治小便出血水道中澀痛

鬱金 瞿麥穗 生乾地黄 車前葉 苾硝 滑石

每服五錢匕水一盞半煎至七分去滓溫服不拘時候

車前葉湯方 治小便出血

車前葉 茜根 黃芩 阿膠 地骨皮 紅藍花一兩

每服五錢匕水一盞煎至七分溫服不拘時候

人參湯方 治小便出血

人參 生乾地黄 白芍 桔梗 當歸 甘草 桂

心 芎藭一兩 淡竹茹二兩 每服四錢匕水二盞煎至

一盞溫服不拘時候

阿膠湯方 治腎客熱連心小便出血疼痛

阿膠 黃芩各三分 甘草炙半兩 生地黄絞取汁 車前

葉絞取汁 藕節各四合 生蜜一鍾 將前藥搗篩同後

四味攪勻每一大匙水一盞煎至七分溫服

栢葉湯方 治小便出血不止

栢葉 甘草 阿膠 黃芩 竹茹 生乾地黄 各一兩

共搗篩每服四錢匕水一盞半同煎至八分去滓溫

服不計時候

地黄湯方 治小便出血

生乾地黄 兔絲子 酒浸一宿晒乾別研 白芷 冬葵子 炒

當歸 芎藭 敗醬 赤茯苓 蔓荊實 蒲黃 兩

共為末煉蜜和丸如梧桐子大每服二十九煎粟米

飲下日三服

車前子散方 治小便赤色或小便鮮血

車前子 木通 澤瀉 當歸 桑螵蛸 桂心 滑

石 各等分 共為散每服二錢匕煎冬葵根湯下

治小腸尿血方

指甲 半錢 頭髮 一分 二味燒灰研勻空心溫酒調一錢

匕頓服

大便秘澀 大便不通 結陰便血

大便秘澀

論曰大便秘澀其證皆榮衛不調陰陽之氣相持也若風氣壅滯腸胃乾澀是謂風秘胃蘊客熱口糜體黃是謂熱秘下焦虛冷窘迫後重是謂冷秘或因病後重亾津液或老弱血氣不足是謂虛秘或腎虛小便過多大腸枯竭而多秘者亾津液也或胃實燥結時時作寒熱者中有宿食也治法須宜和順陰陽然疎風散滯去熱除冷導引補之法不可偏廢當審其證以治之

麻仁丸方 治大便秘難

大麻仁

研膏 別搗

大黃

炒各 三兩

厚朴

生姜汁 炙二兩

枳殼

去瓢 麩炙

二 共擣三味為末與麻仁同研鍊蜜和杵令勻丸如

梧桐子大每服二十九空心溫水下以利為度

麻仁丸方

又方

治三焦不和臟腑虛結胸膈痞悶大便秘澀

大麻仁

研膏 四兩

大黃

半生半 熟四兩

白檳榔

山茱萸

兔

絲子

酒浸一宿另研

車前子

桂心

羌活

山藥

枳殼

防風

各一兩半

木香

一兩

郁李仁

去皮研 膏四兩

共研為末鍊

蜜和丸如梧桐子大每服十五丸至二十九溫水下

威靈仙丸方 治大腸冷秘

威靈仙

不拘 多少

擣為末鍊蜜和丸如梧桐子大每服十

五丸生姜米飲下

附子散方 治大便冷秘

附子炮製去皮臍

割去外面留中心如棗大碾為細散蜜

水調下一錢匕

葱膠湯方 治年老虛弱大便秘滯

阿膠十片

葱一握

用水二盞同煎膠烱取一盞溫服之

立效

大黃丸方 治脾胃不和內有蟲滯大便秘難

大黃

赤芍藥三兩

厚朴

姜汁炙

枳殼兩半

大麻仁

別研如膏五合

共搗四味為末與麻仁同研勻鍊蜜和杵丸

如梧桐子大每服十丸至十五丸食前溫水下以通

利為度

滑石散方 治大便不通腹脹氣急妨悶

滑石

細研二兩分二貼

手足指甲

剪患人自身者燒為灰研分二貼

取滑

石末一貼以水一盞半煎至八分去滓調爪甲灰一

貼空心服至辰再服

葵酥湯方 治大腸閉澀大便不通

冬葵子二合

牛酥

二兩如無猪脂代

將葵子搗篩分四貼每

貼以水一盞煎至五分去滓下酥半兩再煎二沸食前冷服

摩臍方 治大便不通腹脹

杏仁

湯浸去皮尖

葱白

三莖去鬚葉細切

鹽

一分 三味同研

如膏每取如酸棗大計心摩臍上三百轉須臾即利如利不止以冷水洗手即定

治病後津液燥少大便不通腸結方

糯米

二合炒灰存性研

豬膽

一枚取汁

沙糖

少許

和研如膏內

少許入下部立通

治卒大便不通或熱結或風秘及婦人產後大便不通等

方

皂莢

切去皮炙令黃熟為末

白梅肉

五枚

蜜

少許

將梅肉并蜜

拌和皂莢如棗大以綿紙裹引內下部中須臾即通

郁李仁粥方 治大便不通

郁李仁

一兩去皮細研分二服用

煮薄粥一碗臨熟時下郁李仁

煮三兩沸傾出空心吃便通再服一分以通利為度

治下部室塞大便不通方

烏梅

五枚

內湯中漬軟取肉熟擣之丸如彈子內下部

中卽利

結陰 便血 詳痔門腸風下血

論曰經謂結陰者便血一升再結二升三結三升夫邪在五臟則陰脉不和陰脉不和則血留之結陰之病以陰氣內結不得外行血無所稟滲入腸間故便血也

地黄煎丸方 治結陰便血

生地黄 汁

小薊 汁各一升

沙糖 一兩同上二味熬成膏

地榆根

阿膠 炙令燥

側柏 各二兩

除以上三味外擣爲末入膏

中和丸如小彈子大每服一丸水一盞煎至六分

滓溫服

神僊必效丸方 治便血無度

阿膠 二兩

當歸 焙

烏賊魚骨 去甲

白芍藥

劉寄奴

各一兩

共爲末鍊蜜和丸如梧桐子大空心米飲下三十丸加至五十丸

龍骨餅子方 治臟毒血不止

龍骨

烏賊魚骨 去甲各等分

爲末每服一錢匕入鷄清

一枚用白麩同和捏作餅子三枚煨火內煨熟細嚼溫米飲送下空心食前服

石榴散方 治結陰瀉血不止

醋石榴皮

陳橘皮

湯浸去白

甘草

乾姜

炮

四味等

分焙乾擣羅為散每服二錢匕陳米飲調下日三服

地榆散方 治結陰瀉血

地榆

桑耳

甘草

赤芍藥

各三兩

艾葉

二兩

黃芪

六兩 熟地黃

伏龍肝

各四兩

為細散每服二錢匕米

飲調下食後臨臥服

金屑丸方 治便血一切血妄行

葉子雌黃

不計多少入在棗內細繫定蒲煎湯用黑鉛一兩半銼成汁傾入湯內同煮白早至晚不

止添沸湯取出研細以盞盛飯上蒸過

以煮藥棗取肉和丸如梧桐子

大每服三丸煎黑鉛湯下便血甚者三服差矣

金虎丸方 治結陰失血

黃檗

一兩去粗皮用鷄子清塗炙

為末滴水丸菜豆大溫水下

七丸

諸淋門

卒淋

冷淋

熱淋

氣淋

血淋

膏淋

石淋

勞淋

諸淋統論

論曰膀胱者州都之官津液藏焉氣化則能出矣位處下

焦與腎表裏分別清濁主出而不納若腑臟氣虛寒熱不調使氣不化而水道不宜故為淋闕之病矣 諸淋之證大體緣腎臟氣虛膀胱有熱唯冷淋為異善治此者當熟察之

卒淋

論曰卒淋者緣下焦有熱傳入膀胱其候卒然小腹急痛小便淋澀痛故謂之卒淋蓋下焦在臍下當膀胱上口主分別清濁主出而不納以傳道也今熱在下焦故其病如此

瞿麥湯方 治卒淋通利小腸

瞿麥半兩

木通

赤茯苓

陳橘皮

各一兩 去白

滑石碎

兩

冬葵子

炒一合

甘草炙

桑根白皮

各半兩

共八

味搗篩每服三錢入葱白二寸同煎溫服

茅根飲方 治卒淋結澀不通利

茅根

木通

各三兩

石葦

拭去毛

黃芩

冬葵子

當

歸芍藥

滑石

碎各二兩

亂髮

鷄子大二握燒灰

共九味搗

篩每服三錢水煎溫服不拘時

黃耆飲方 治膀胱虛熱小便卒暴淋澀

黃耆 人參 白茯苓 旱蓮草 滑石研各一兩 桑白皮 黃芩 枳殼炒 芒硝 共九味搗篩每服三錢 水煎溫服

黑金散方 治卒淋不通

好細墨燒一兩 一味為散每服一錢溫酒調下不拘時 茯苓湯方 治小便卒淋澀

赤茯苓三兩 滑石四兩 石韋去毛 瞿麥穗 蒲黃各二兩 榆白皮二兩 冬葵子二合 共七味搗篩每服五錢水煎 溫服食前

冷淋

論曰腎與膀胱為表裏下通於胞宣行水道腎藏虛弱冷氣客於下焦邪正交爭滿於胞內水道不宜故其狀先寒顫然後便溺成淋謂之冷淋也

菝葜飲方 治冷淋寒顫澀痛

菝葜 土瓜根 黃耆 地骨皮 五味子各二兩 人參 牡蠣煨各一兩半 石膏四兩 共八味搗篩每服五錢 水煎溫服

黃耆丸方 治腎虛膀胱冷淋不利

黃耆剉 黃連 土瓜根各二兩半 玄參三兩 菝葜 鹿

茸去毛酥炙各二兩 牡蠣一兩 桑螵蛸 人參 五味子各一兩

半兩 右十一味搗羅為末鍊蜜丸如梧桐子大每服二

十九鹽湯下不拘時

兔絲子脂散 治冷淋

兔絲子酒浸別研 白石脂 牡蠣煨研各二兩 桂心 土瓜

根各一兩 右五味研為散每服二錢煮麥粥飲調下空

心食前服

兔絲子散方 治冷淋小便多或不禁

兔絲子酒浸一宿別搗一兩 蒲黃 黃連一兩 硝石半兩 肉蓯

蓉酒浸一兩 雞臍脰黃皮炙一兩半 五味子一兩半 共七味

搗羅為散每空腹溫酒調下三錢服日二

熱淋

論曰三焦者水穀之道路也三焦壅盛移熱於膀胱流傳胞內熱氣併結故水道不通利而成淋也其狀溲便赤澀或如血汁故謂之熱淋

滑石散方 治熱淋小便赤澀疼痛

滑石研三兩 括蔞根三兩 石韋炙去毛半兩 三味搗羅為

熱淋

散每服一錢煎小麥湯調下不拘時

車前子散方 治熱淋結澀不通

車前子炒

牛膝各一兩

桑根白皮三兩

蒲黃一兩

共

四味搗羅為散每服二錢煎葱湯調下不拘時

四汁飲方 治熱淋小便赤澀疼痛

蒲萄自然汁

蜜 生藕自然汁

生地黃自然汁 各五合

四味

和勻每服七分一盞銀石器內慢火煎沸溫服不拘時候

瞿麥湯方 治心經壅熱小便淋澀赤痛

瞿麥穗三分

茅根

冬瓜子

各半兩

葵子

木通

一分

黃芩六錢

竹葉一肥

滑石

研一分為末 分作三貼

共八味除滑

石外搗篩分作三劑每貼用水三盞煎去滓入滑石末一貼攪勻分溫二服食前

氣淋

論曰腎虛則不能制小便膀胱挾熱則水道澀腎虛膀胱熱則胞內氣脹小腹堅滿因至淋澀之疾也其候出少喜數尿有餘瀝亦曰氣癰診其脉少陰脉數者則為氣淋木通湯方 治氣淋結澀不通

木通湯方

治氣淋結澀不通

氣淋

辛

木通一分 木香半兩 細辛一分 草豆蔻三枚 人參半兩

赤茯苓三分 桃仁去皮尖雙仁半兩 肉豆蔻二枚 共八味

搗篩每服三錢水煎溫服不拘時

桑白皮湯方 治氣淋結澀便不利

桑白皮一兩 茅根二兩 木通 乾百合各二兩 四

味搗篩每服三錢水煎溫服不拘時候

海金沙散方 治氣淋結澀不快

海金沙別研二兩 滑石研 甘草 山梔子仁各一兩 四

味將其草梔子仁為散入餘藥再研勻每服一錢茶

清調下不拘時

通神散方 治氣淋結澀不通

粟米合 故筆頭二枚 馬蘭花七朶 三味為散溫

酒調下二錢如不可忍者連服三服

貝齒湯方 治因氣成淋小便痛或澀血或如豆汁

貝齒研一枚 冬葵花研半合 石膏一兩 滑石一兩 右

四味咬咀如麻豆大每服五錢水煎再入猪肪脂少

許再同煎數沸空腹溫服

血淋

論曰心主血氣通小腸與膀胱俱行水道下焦受熱則氣不宣通故洩便癃閉而成淋也熱甚則搏于血脉血得熱則流行入于胞中與洩便俱下故為血淋也

白茅根湯方 治血淋小便出血疼痛

白茅根 芍藥 木通 車前子 各三兩 滑石 碎 黃

芩 各一兩半 亂髮 燒灰 半兩 冬葵子 微炒 半兩 共八味搗篩每

服三錢水煎溫服日三

鷄蘓湯方 治血淋

鷄蘓 一兩 石膏 碎 淡竹葉 切 木通 甘草 生

滑石 小薊根 各一兩 生地黃 斤半 共八味搗篩每服

六錢水煎空心服

鷄蘓飲方 治血淋不絕

鷄蘓苗 竹葉 各二兩 滑石 木通 各五兩 小薊根 一兩

生地黃 六兩 共六味咬咀如麻豆大每服五錢水煎溫

服不拘時以利為度

治血淋方

車前子 葉 生搗汁 三合 生地黃 汁 三合 二味相和煎三沸

食

膏淋

論曰膀胱為滲泄之腑腎氣均平則溲便清腎既虛不能制其肥液故與俱出色若脂膏故謂之膏淋又曰肉淋

磁石丸方 治膏淋小便肥如膏

磁石

火煨醋淬三七編

肉蓯蓉

酒浸切焙

澤瀉

滑石

各一兩

共四味為末鍊蜜丸如梧桐子大每服三十九溫酒下不拘時候

沉香丸方 治膏淋

沉香

肉蓯蓉酒浸

黃耆

瞿麥穗

滑石

磁石

火煨

醋淬三七編各一兩

右六味搗羅為散末鍊蜜丸如梧桐子大每服三十九溫酒下不拘時

滑石湯方 治膏淋小便肥濁

滑石

白茯苓

白朮

木通

熟乾地黄

赤芍藥

五味子

各一兩

共七味搗篩每服三錢水煎溫服不拘時

石淋

論曰淋者淋病而有沙石從小便道出也蓋由腎氣虛損則飲液停聚不得宣通膀胱客熱則水道澀痛胞內壅積

故令結成沙石隨小便而下其大者留礙水道之間痛引小腹令人悶絕也

人參散方 治沙石淋

人參 木通 青鹽研 海金沙別研各一分

毛半 右五味除海金沙青鹽外搗羅為散合研勻每

服二錢空心米飲下

海金沙散方 治沙石淋澀疼痛不可忍

海金沙 滑石 石膏 木通 井泉石碎 甘草炙

右六味等分搗研為散煎燈心湯調下二錢不拘時

菝葜散方 治沙石淋重者取出根本

菝葜二兩 一味為散每服一錢米飲調下服畢用地椒

煎湯浴連腰浸洗

獨聖散方 治沙石淋

黃蜀葵花炒一兩 一味研為散每服一錢食前米飲調

下

木通湯方 治沙石淋

木通 滑石碎各一兩 冬葵子二兩 三味搗篩每服五錢

水煎溫服

鼈甲散方 治沙石淋

鼈甲 去裙襖燒 灰存性

一味擣羅為散每服三錢空心溫酒

調下

茅根湯方 治沙石淋

茅根 細切 一斤

葛花 為末 一兩

露蜂房 為末 二兩

三味分作三

服每服以水三盞煎溫服

勞淋

論曰人因勞傷腎經腎虛膀胱有熱氣不傳化小便淋瀝水道澀痛勞倦即發故謂之勞淋小腹引痛者是其候也

地黃湯方 治勞淋結澀不通

熟地黃

人參

石韋

各一兩 滑石 三分

桂心

車前

子 甘遂 炒

王不留行

冬葵子 炒

木通

各半兩

共十味擣篩每服三錢水煎溫服不拘時候

兔絲子丸方

治腎勞虛損洩便不利淋瀝不已

兔絲子

酒浸 別搗

人參

黃耆

滑石

木通

芍

藥 車前子

各一兩

黃芩 三分

冬葵子

一合 炒

右九味

為細末鍊蜜丸如梧桐子大每服二十九食前溫酒

或鹽湯下日二

石韋散方 治勞淋日夜數起小便不利引陰中痛

石韋去毛

滑石 瞿麥穗 王不留行 冬葵子

各等分

右五味為細散每服二錢食前葱白湯調下

九蟲門

九蟲

虬蟲

寸白蟲

蟯蟲

五臟蟲

三蟲

九蟲統論

論曰蟲與人俱生而藏於幽隱其為害也蓋本於正氣虧弱既食生冷復感風邪所以種種變化以至蕃滋初若不

足畏而其甚可以殺人善攝生者薄滋味節嗜欲蚤去三尸防患於未然彼九蟲亦將銷鑠於冥冥之中惟未進此道而攘藥則蠹無使滋蔓蓋有藥存焉

九蟲

論曰九蟲一名伏蟲長四分二名虬蟲長一尺三名白蟲長一寸四名肉蟲狀如爛杏五名肺蟲狀如蠶六名胃蟲狀如蝦蟇七名弱蟲狀如瓜瓣八名赤蟲狀如生肉九名蟯蟲狀如菜子至微細者是九蟲皆依乎腸胃之間若腑臟氣實則不能為害及其虛也發動變化侵食氣血寢成

諸病不可不察也

鷄子丸方 治九蟲

鷄子去殼二枚 好漆濾過四兩 蠟三兩 粳米粉半斤 四味先

取漆蠟入銅鑪中用慢火煎攪令得所次入粳米粉又攪令勻煎令凝候可丸即取鑪中置生黃土堆上纔候稍溫即下鷄子又攪令得所再置火上煎令可丸如小豆大宿勿食空腹煎粟米飲下二十九小兒五丸

石榴枝湯方 治九蟲動作腹中刺痛口吐清水面色黑

黃及蟲心痛者

東引石榴枝三兩 木香 陳橘皮湯浸去白 吳茱萸湯洗焙炒

各一兩半 大黃煨 芍藥各二兩 薏苡仁二兩半 共七味

咬咀如麻豆大每五錢水煎溫服空心

南粉散方 治腹中諸蟲令人腹痛多食泥土及泄者

南粉二錢細研 五更初用生油調下至食時蟲出盡

蚘蟲

論曰蚘即九蟲叙所謂長蟲者今此析而治之蓋較之他蟲害人之為多觀其發作冷氣臍腹撮痛變為嘔逆以至

心中痛甚如錐刺昔人謂虬厥貫心能殺人則所以治之不可緩也

芫胡湯方 治蟲心痛

芫胡 一兩半

當歸

食茱萸

各一兩

芍藥

一兩半

檳榔

三枚

郁李仁

洗去皮三分

厚朴

塗薑汁炙熟一兩

右七味擣篩

每服三錢水煎食前溫服日三

桑根白皮湯方 治虬蟲心痛

桑根白皮 三兩

醋石榴皮

乾者一兩

白蕪荑 炒

檳榔 炮

厚朴 塗薑汁炙各半兩

右五味擣篩每服三錢入生薑一塊

同煎空心服至晚再服

草薺散方 治虬蟲發作

草薺 炒

白蕪荑 炒

狗脊

去毛剉各一分

三味為散每服

二錢溫酒調下欲服藥先隔宿吃牛肉乾脯一片次

日空心服藥蟲下即差

薏苡根湯方 治虬蟲

薏苡根

一握去土

一味擣篩水煎分溫二服空心先吃飴

少許然後溫服

檳榔煎方 治虬蟲

檳榔 炮剉 五枚

酸石榴根皮

入土五寸東引者 去土細剉一斤

一二味先

將檳榔搗篩與石榴根各均分作三度用每度用水二升半煎至一升絞去滓入粟米一合煮如粥平日空心頓喫利下蟲即效

蠶蛹汁方 治虻蟲

蠶蛹 取繅絲蠶蛹四合爛研生布絞取汁空心頓飲之非繅絲時即須依時收取蠶蛹暴乾搗羅為末用時以意斟酌多少和粥飲服之

寸白蟲

論曰寸白蟲乃九蟲之一種狀如絹邊葫蘆子因臟氣虛風寒溼冷伏於腸胃又好食生膾乾肉等所以變化滋多難於蠲治說者謂食牛肉飲白酒所致特一端爾亦未必皆緣此

香附丸方 治葫蘆蟲

木香 為末 一分

附子 生去皮 臍為末

硫黃 研各 半兩

三味先將蜜

陀僧末半兩入醋熬成膏然後入三味藥末一處和丸如小豆大每服十五丸溫酒下食前服

檳榔散方 治寸白蟲

寸白蟲

乾

石榴根 陳橘皮去白 桑根白皮各一兩 三味細剉分

作三服每服水一盞半煎取一盞去滓五更初調檳榔末二錢至欲明不瀉至晚又一服如蟲母未下再服或瀉不止喫冷粥止之

食榷實散方 治寸白蟲

生榷實四十九枚去皮 右一味於每清旦空腹食七枚七日

後食盡其蟲即化成水矣

乾脯湯方 治寸白蟲

乾脯一片如手大 石榴根東引者一握 右二味並細剉以水

四升浸一宿明日平旦煎至一升去滓分三服空腹先嚼乾脯一片即服藥如人行十里又一服每服藥後以手按患人腹上藥力易行其蟲自下凡服藥取月一日至五日已前蟲頭向上服良

黑鉛散方 治寸白蟲累取不盡久令人面黃心中如飢

黑鉛沙子畫家銀塗是也 一味研極細每服二大錢五更初

肉汁調頓服至平明取下蟲立差

玉粉散方 治寸白蟲

定粉一兩 右一味研極細每服二錢用生麻油調於五

蟯蟲

更初頓服至晚蟲下

論曰蟯蟲甚微細若不足慮者然其生化衆多攻心刺痛
時吐清水在胃中侵蝕不已日加羸瘦甚則成痔瘻疥癬
癰疽諸癩害人若此絕其本根勿使能殖則毒而治之所
不可忽

桃皮湯方 治蟯蟲虬蟲及痔鬣蝕下部生瘡

桃木皮

乾者去粗皮

槐子

微炒各兩半

艾葉

半兩

三味搗篩每服三錢入棗一枚同煎空心食前夜臥

各一服

艾汁方 治蟯蟲攻心如刺吐清水

生艾葉

取嫩心切二升

一味搗絞取汁兩盞許宿不食平旦先嚼乾脯少許
後頓飲汁不能盡即兩日服

槐皮丸方 治蟯蟲在胃人漸加羸弱

槐皮

乾者

桃仁

去皮尖雙仁生用

棟實

去核生用各半兩

三味搗羅爲末鍊豬膏丸如人指大以綿裹導下部

中

治蟻蟲咬人下部痒方

水銀一兩

一味用蒸棗膏和丸如人指大綿裹臨臥內下部中
一宿內藥時常留綿帶子在外

熬漆丸方 治蟻蟲在胃令人漸羸

好漆 醇酒 白蜜 各半斤

三味於銅器中和勻微火熬令可丸丸如鷄頭大每
服一丸宿勿食空腹溫酒下蟲未下再服

五臟蟲

論曰五臟蟲者緣臟真衰弱熱薰蒸而成之傳所謂肉腐
出蟲魚枯生蠹理固如此其名狀之異見於九蟲紋可辨
而察也

雷丸丸方 治心臟勞熱傷心有長蟲名曰蠱長一尺貫

心為病

雷丸灰火炮過

陳橘皮湯浸去白

桃仁去雙仁皮尖麩炒各一兩一分

貫衆大者去鬚半兩

狼牙連苗淨搗一兩半

白蕪荑

青箱子炒

乾漆炒令烟出各一兩

亂髮如鷄子大一兩燒灰

共九味除亂髮燒灰外八味搗羅為末然後與亂髮

灰同研令勻鍊蜜和更於鐵臼內塗酥杵令勻熟丸如梧桐子大每服空心溫酒下十五丸至晚再服米飲亦得

麥門冬丸方 治肺勞熱生蟲其形如蠶令人欬氣喘或謂憂膈氣膈寒膈熱膈皆從勞氣所生名曰膏盲病鍼灸不至

麥門冬去心十兩 蜀椒去目及閉口者炒出汗一兩 人參一兩一分 遠志去心 附子去皮臍 細辛各一兩半 甘草炙一兩半 乾姜炮 兩 桂心 百部焙 白朮 黃耆剉細各一兩一分 杏仁

去皮尖雙仁焙乾炒令黃半兩

右十三味搗羅為末鍊蜜和更於鐵臼內塗酥杵令勻熟丸如酸棗子大含化稍稍嚥津

桑根白皮酒方 治肺勞熱生蟲在肺為病

桑根白皮東引者取一升 狼牙其連苗處淨刷去土三兩 吳茱萸根皮東引者淨刷去土五升

右三味細剉用酒七升煮至二升去滓分作三服每日空腹一服

茱萸根丸方 治肝勞生長蟲為病恐畏不安眼中赤

東引行吳茱萸根去土三兩 蠟三兩 鷄子五枚去殼取黃用 粳

米一盞

右四味除蠟并鷄子外各搗羅為末先以銅鍋內煎蠟鎔即下茱萸末米粉鷄子黃煎令煎可丸即丸如小豆大早晨煎粟米飲下五十丸小兒服二十丸蟲出即差

前胡湯方 治脾勞有白蟲長一寸在脾為病令人好嘔胸中欬欬即嘔而不出

前胡 白朮 赤茯苓 枳殼去瓢麩炒 旋復花去葉炒

細辛 常山 松蘿各一兩半 杏仁去皮尖雙仁炒 龍膽去苗各一兩

右十味搗篩每服五錢竹葉十片淨洗細切同煎去滓空心溫服吐之即差若腹中熱滿入芒硝半錢梔子仁一兩黃芩一兩半苦參一兩

茱萸根浸酒方 治脾勞勞熱有白蟲在脾中為病令人好嘔

吳茱萸根東引者一尺 麻子八升淨揀 陳橘皮去白炒二兩

右三味先搗碎橘皮麻子如泥然後拌茱萸根用酒

一斗浸一宿慢火上微煎絞去滓分作五服每服空心溫服蟲即下欲合藥時忌言合殺蟲藥

貫衆散方 治腎勞熱四肢腫急有蟻蟲如菜中蟲生於腎中

- 貫衆 大者三枚去鬚 乾漆 炒令烟出二兩 吳茱萸 水洗七遍焙乾一兩半
- 白蕪荑 炒 槐白皮 一兩乾者 杏仁 去皮尖雙仁炒黃半兩 胡粉 炒令黃
- 色 一兩

右七味除別研粉外擣羅為散更與胡粉同研令細每服二錢空腹用井華水調服日晚再服

三蟲

論曰三蟲亦九蟲之數曰虵曰赤曰蟻是也其發動諸病較之他種為甚虵蟲又曰長蟲長一尺動則吐清水心痛貫心則死赤蟲狀長似生肉動則腸鳴蟻蟲至細微形如菜蟲居腸間多則為痔極則為癩或生諸癰疽癩癧疥而其變甚多三蟲為患如此古人必析而治之意亦深矣

- 鼈甲丸方 治三蟲發痛面目黃不下食
- 鼈甲 去裙襴醋炙黃二兩 白朮 一兩半 陳橘皮 去白一兩 木香
- 狗脊 去毛各一兩半 檳榔 四兩 吳茱萸 水洗二宿每日三次換水洗去涎乾炒一

兩

右七味搗羅為細末鍊蜜和為劑置臼內入酥杵令
勻熟丸如梧桐子大每日空腹煎青橘皮湯下三十
丸晚食前再服

天門冬煎方 治三蟲保定肺氣去寒熱養肌膚益氣力

利水便及諸暴中偏風溼痺強骨髓

天門冬

去心生
用十斤

白蜜

七兩

二味先取天冬細切爛搗如泥用酒一斗和絞取汁
并蜜攪令勻銅器中重湯上煎仍用竹篦攪候如錫

每服如彈丸大空腹溫湯服之或用生地黃汁一盞
同煎更妙

亂髮灰散方 治三蟲

亂髮

淨洗如鷄
子大燒灰

丹砂

研如麩飛
過一兩

二味同研極細每服一錢醋調空腹服之

藿蘆散方 治三蟲神效

藿蘆

微炙
二兩

一味搗羅為細散每服二錢隔宿勿食於清旦用羊
肉濃汁調服之蟲自下

檳榔湯方 治三蟲

檳榔 三枚 灰 火煨過

一味搗篩用水三盞煎至一盞半去滓分三服空腹
日午近夜各一服其蟲盡下或葱白鹽豉同煮飲之
亦佳

諸尸門

諸尸 遁尸 飛尸 尸注

諸注門

諸注 風注 走注 鬼注 氣注

卒魘不寤 中惡 卒死 尸厥

鬼魅 鬼擊

諸尸統論

論曰人身中有三尸諸蟲與人俱生常忌血而惡能善與
鬼神通每接引外邪與人為害謂之尸病其狀沈沈默默
不的知所苦而無處不惡或心腹痛脹或礫塊踊起或攣
引腰脊或精神錯雜變狀不一有飛尸者有伏尸者復有
遁尸沈尸風尸之異久不已停注留滯及死又注易傍人
則為尸注之病矣

諸尸

諸尸病因不一其最重者惟五尸若得之疾速如飛走狀者名飛尸停遁不消者為遁尸沉痼在人臟腑者為沉尸衝風則發者為風尸隱伏積年不除者為伏尸唯此五尸之氣變態多端各各不同大率皆令人沉沉默默痛無常處五尸之外復有尸氣雖各有證然其為病大同小異而已亦可通一法治之

雄黃丸方

治五尸瘕積及中惡心痛蠱注鬼氣

雄黃

丹砂

礬石

牡丹皮

巴豆

去皮心麩炒研去油

附子

藜蘆

炙去蘆頭各一兩

共七味為末鍊蜜丸如小豆大每服二丸米飲下食

前服

雄黃丸方

方又

治卒中飛尸遁尸沉尸風尸腹痛脹急不得

氣息上衝心胸及攻兩脅或礫塊踊起或攣引脊腰

雄黃

研

大蒜

各一兩

二味爛搗丸如彈子大每服一丸熱酒化下須臾未差更服尸疹者常宜預收此藥

惡氣散方

治五尸鬼注百毒

桂心 乾薑

二味搗羅為散每服三錢炒鹽一錢溫水同調下

痰藜子丸方 治中五尸腹急痛不喘息上衝心胸及攻

兩脅或礫塊踊起攣縮引腰脊

痰藜子 炒去角 二兩

一味為末鍊蜜丸如小豆大每服二十九食後水下

遁尸

論曰遁尸謂尸伏埋染注連滯在於胸腹育膜之間尋常如無病若因喜怒不節飲食傷動其隱之疾發則心腹脹

痛連及肱脅氣喘促急不得安臥者是其証也

木香湯方 治初得遁尸鬼注心腹中刺痛不可忍

木香 三分 鬼箭羽 一兩 桔梗 一兩 丁香 三分 陳橘皮 去白

炒一兩 紫蘊 莖葉微 炒一兩 當歸 一兩 白檳榔 火煨十 四枚

桃仁 湯浸去皮尖雙仁 炒黃色十四枚

右九味搗篩每服五錢水煎溫服日二服不計時候

蒸熨方 治遁尸飛尸及風毒腫流入頭面四肢

芥子 蒸熟培 一斤

一味為末以鉛丹二兩拌之分作兩處用陳布袋盛

之更換蒸熟以熨痛處

飛尸

論曰飛尸者其狀令人心腹刺痛氣息喘急脹滿上衝心
胸是也此病忽然而至疾如飛走故謂之飛尸
走馬散方 治飛尸入腹脹滿刺痛氣息喘急

巴豆 二枚去皮心

杏仁 二枚去皮尖

二味以綿纏椎令極細投熱湯二合指取白汁分三
服飲之食頃當下老小量加之

雄黃散方 治一切飛尸鬼注身痛如刺

雄黃 甘草 炙

黃芩 各半兩

梔子

芍藥 各一兩

共五味為散每服以溫酒調下二錢再服不拘時

尸注

論曰尸注者尸病注易於人也多因哭泣感染尸氣流注
身體令人寒熱淋瀝沉默不的所苦而無處不惡或腹
痛脹滿喘急不得息上衝心胸傍攻兩脅或礫塊踊起或
攣引腰脊或舉身沉重精神不爽每更節令愈加煩滯不
治者死死則注易傍人故名尸注

虎掌丸方 治尸注寒熱往來不思飲食心腹刺痛

虎掌

丹砂

炒各半兩

白茯苓

龍齒

各一兩

蓬莪茂

煨

當歸

各三分

右六味為末用酒煮阿魏麩糊丸如梧桐子大每服二十九丸薑烏梅湯下

神效蜜陀僧散方

治臨尸哭泣尸氣入腹沉滯臟腑有

時發動取勞積

蜜陀僧

半斤煨醋汁淘研控乾取六兩

訶梨勒

不去核生用一兩

京三稜

煨搗末二兩

三味合研令勻每服二錢用煮麩濃湯下當晚不食

臥一服餘時切餅湯服三夜次夜當下惡物不下第

三夜加生牽牛子末一錢同調下

杏仁丸方 治尸注

杏仁

去皮尖雙仁炒

亂髮灰

各一分

二味研勻和丸如小豆大每服五丸豬膏酒調下

諸注統論

論曰諸注者邪氣所注也皆因精神衰弱經絡空虛傷於風寒暑溼飲食勞倦或感生死之氣或挾鬼物之精初為中惡客忤卒死諸尸之類雖或暫差必有邪氣伏於經脈

流傳腑臟深入骨髓經久不已皆成注病變狀多端時發時差令人昏悶無不病處若因風寒暑溼之邪所注者則爲風寒注涼注冷注溫注之痛若因飲食勞倦之邪所注者則爲食注飲注酒注水注之病若因生死之氣而爲其邪所注者則爲喪注哭注轉注之病若因挾鬼物之精而爲邪所注者則爲鬼注邪注尸注殃注之病犯土禁爲注者爲土注產後得注者爲產注虛勞所成注爲勞注邪氣外浸爲泄注凡此諸注以受病之因爲名也邪注于肺則爲氣注邪注於勞則爲血注久注不已傷損骨髓則爲骨

注凡此諸注以病之所在爲名也又有石注者言其牢強如石走注者言其遊走無常凡此諸注以病之形變爲名也名類雖多各有形證合而言之皆注病也治注病者欲辨是非但覆紙於痛處燒髮令焦投於紙上若變粘紙者注氣引之也不粘者非注也審知其因隨證治之無專門者診脈浮大者可治細而數者難治

諸注

論曰諸注者邪氣停而爲病也蓋由經絡空虛傷於風寒暑溼或因飲食勞倦或因大病後氣虛邪氣流注或感死

聖濟總錄卷之十五
氣或犯鬼邪皆至是疾其狀變易不同各隨其本而治之也

赤芍藥丸方 治五尸注

赤芍藥

一兩

吳茱萸

湯浸焙乾炒

丹砂

研

烏頭

去皮臍

蜀椒

去目并閉口者炒出汗各半兩

乾薑

三分

桂心

一兩

共七味搗羅爲末鍊蜜丸如小豆大每服十九空心

溫酒下日三

風注

論曰風注者由體虛風邪之氣客於榮衛邪氣行遊連滯

停注故名風注其狀皮肉掣振痛無常處一年之後則有頭髮墮落頸項掣痛骨拉解鳴目疼鼻酸牙疔之證又十二風所注不同溫風所注頭痛欲解髮汗風所注頭痛體熱骨節兩強柔風所注遊腫在腹或在手腳水風所注噉食服臥汗出九風所注腦轉肉裂目系痛惡聞人聲絕風所注暴倒仆口有白沫顛風所注披髮狂走遇物擊破狂風所注叫呼罵詈獨語談笑奇風所注口噤面喎四肢不隨斜風所注體生瘡疔毛墮落耗風所注瘡痺如耗螫瘡或痒或痛罩風所注舉身戰動或鼻塞其狀雖異其爲邪

氣停注則一也

安息香丸方 治一切風注痛

安息香 研

乳香 研各一兩

白膠香 研

地龍 去土炒研為末各半

兩 胡桃仁 研二枚

沒藥 研一分

桃仁 去皮尖雙仁研七枚

共七味同研勻為細末酒煎為丸如彈子大每服一

丸溫酒化下

羌活湯方 治風注心腹刺痛上攻胸背

羌活 三分

大豆 炒一分

桑根白皮 一兩半

陳橘皮 去白三分

芎藭 一兩 大腹 并子焙三分

右六味搗篩每服三錢水煎溫服良久再服

走注

論曰走注者風邪客於衛氣也風善行而數變衛氣之行慄疾滑利邪正相搏則淫溢皮膚去來擊痛遊走無常故名走也

蒸熨方 治走注風毒疼痛流移不定

芥子

一斤蒸熟暴乾為末

鉛丹 二兩

二味和勻以疎布袋盛分二處更互蒸熨痛處

枳殼丸方 治走注疼痛如錐刺皮膚風氣心腹四肢疼

痛

枳殼

去麩 麩炒

厚朴

薑汁炙 各一兩

犀角

半兩

桑根白皮

一兩

檳榔

二兩 煨

芫胡

一兩 半

半夏

湯浸焙乾為末薑汁和作餅暴乾

大黃

醋拌炒 各一兩

其八味為末鍊蜜丸如小豆大空心酒下二十九

鬼注

論曰鬼注者忽因鬼邪之氣排擊當時即病心腹刺痛悶絕倒仆如中惡狀餘熱不歇停積彌久有時發動連滯不已乃至於死死則注易傷人故謂之鬼注

玉壺丸方

治鬼注風冷飲食不消心腹脹滿攻刺心痛

大便不通

治萬病詳千金方外臺秘要

雄黃

研

丹砂

研

礞石

煨

附子

去皮

藜蘆

巴豆

去皮心炒研 去油各一兩

右六味為末鍊蜜和丸如小豆大每服二丸米飲下取快利為度小兒以意減之

八毒丸方

治鬼注中惡心痛積癖蠱注鬼氣

雄黃

研

珍珠

研

礞石

煨

牡丹皮

研

巴豆

去皮心炒去油

各一兩

附子

去皮臍 三兩

藜蘆

二兩

蜈蚣

去頭足 炙一枚

其八味研為末鍊蜜丸如小豆大每服米飲下二丸得吐為效

太極鰻鱺魚煎方 治鬼注傳尸五勞七傷

鰻鱺魚 寸切洗淨三斤 附子 一兩去皮臍去 茈胡 三分 芎藭

貝母 去心 鼈甲 去裙襴醋炙 當歸 焙切 知母 荊芥穗 各一兩

燕蕒仁 一分 木香 三分 秦艽 青蒿子 小便浸一宿

黃耆 木通 各一兩

其十五味除鰻魚外擣羅為末分作三貼每貼以鰻魚一觔清酒三斤於銀器內煮爛去滓入藥末一貼

重煎如稀餈以淨器盛空心溫酒下一錢服了夜用被蓋出汗加至一匙

氣注

論曰氣注者邪氣傳注蘊伏於肺也肺主氣而通行表裏若為注氣所傳則其病隨氣遊衝擊掣痛上喘奔急飲食不下是為氣注之候

厚朴丸方 治一切氣注大腸結澀背膊刺痛氣注四肢及食物不消奔豚氣逆

厚朴 薑汁炙一兩 桂心 大黃 醋炒各二兩 桃仁 浸去皮尖雙仁炒三

兩

四味為末研勻鍊蜜為丸如小豆大每服三十九米
飲下食後臨臥服微利即效一方加附子一兩去皮

桃仁飲方 治注氣肩膊刺痛不移

桃仁去皮尖 雙仁炒 酸棗仁炒 人參 赤茯苓 桂心

丁香 甘草炙

共七味等分搗篩每服五錢水煎臨臥頓服

木香散方 治卒注氣

木香 當歸 白朮 桂心 白茯苓各一兩

共五味搗羅為散每服二錢沸湯點服不拘時日
卒魘不寤

論曰其寤者魂交其覺也形開老弱數驚恐心氣妄亂精
神惛鬱志有搖動則有鬼邪之氣乘虛而來入於寢寤使
人魂魄飛蕩去離形體故魘不得寤也久不寤以致死必
須得人助喚并以方術治之乃蘓若在燈光前魘者是魂
魄本由明出喚之無忌若夜暗處魘者忌火照火照則神
魂不復入乃至於死又人魘須遠呼不得近而急喚恐神
魂或致飛蕩也

小定心湯方 治形體虛羸心氣怯弱多魘善亡

茯神兩 甘草炙 芍藥 乾薑 遠志 人參

桂心各二兩

右七味剉如麻豆大每服五錢棗二枚同煎溫服日

三

又方

右方以蘆管吹兩耳并其人頭髮二七莖作繩內鼻孔中割雄雞冠取血以管吹喉咽中大良

治卒魘方

右方以鹽灌之多少在意

又方

右方以雄黃如棗核繫在腋下令人終身不魘

治卒魘不寤方

右方用伏龍肝末或末雄黃或末桂心以蘆管吹入兩鼻孔中

治卒魘死方

右方以井底泥塗死人目令人垂頭就井呼姓名卽活此法靈異莫測

又方

右方勿以火照但痛齒其足後跟及足大指爪甲即活齧其腫不覺者宜用礬石散方見卒死門

中惡

論曰志弱心虛精神失守忤犯邪惡令人心腹暴痛悶亂如死無所覺知故曰中惡又曰卒忤蓋陰陽否隔氣道厥逆上下不通陽氣散亂故令人不知也氣還則生不還則死久不已則變注

麝香散方

治卒中惡心腹刺痛去惡氣

麝香

一分

犀角屑

木香

各半兩

三味研為末散攪勻每服二錢空心熟水調下日再未止更服

又方

韭根

一握切

烏梅

十四枚

吳茱萸

湯浸焙乾炒二兩半

三味以水五升煮以病人櫛內其中三沸櫛浮者生沉者死煮取三升時飲之

治中惡氣欲絕不省方

右方以皂角生為細末內鼻孔中一方用細辛等分

取屑如胡豆大吹兩鼻

治中惡氣欲絕方

右方取新牛糞絞汁若無新者卽以乾者汁服

卒死

論曰卒死者緣人有三虛一謂乘年之衰二謂逢月之空三謂失時之和賊風鬼邪之氣乘虛而入故令陰氣偏竭於內陽氣阻隔於外二氣壅閉不得升降厥氣上行而暴絕也氣還則復生不還則死內經曰出入廢則神機化滅升降息則氣立孤危蓋謂是也

扁散治卒死方

溼牛馬糞絞取汁灌入口中令入喉若口噤者幹開灌之不可灌者扣折一齒下之若無新馬糞以水或人屎和乾者絞取用之

又方

半夏末如大豆許吹鼻中

治卒死而壯熱者方

白礬

半斤

煮令消漬脚令沒踝

治卒死而目閉者方

騎牛臨其面搗薤汁灌耳中又末皂莢吹鼻

尸厥

論曰內經謂邪客於手足少陰太陰足陽明之絡五絡俱竭令人身脈皆動而形無知其狀若尸故曰尸厥蓋五絡皆會於耳中苟爲邪所客則其氣逆厥上下暴隔五絡閉結而不通故俱竭而令人狀若尸仆焉治法宜當先刺其足中指爪甲上各一痛後刺大指內側端如韭葉後刺手心至少陰銳骨之端各一痛立已不已以竹管吹兩耳使

氣脈疎通內助五絡然後以藥石治之

治尸厥脈動而無氣氣閉不通故忽然如死方

右方以菖蒲末吹入兩鼻中又以桂末著舌下

治尸厥方

鬚左角髮方寸燒灰以醇酒一杯飲之不能飲者灌之立已

鬼魅

論曰心者精之合神之舍也心氣不足精神衰弱邪氣乘虛而感則爲鬼魅其狀令善怒不常情思如醉或狂言驚

怖向壁悲啼夢寐多魘與鬼交通病苦乍寒乍熱腹滿短氣不能食診其脉人迎氣口乍大乍小乃鬼魅所持之候也

治妖魅病人不言鬼方

鹿角

屑

一味搗羅為細散每服一錢且言則差

治鬼迷不寤方

雄黃

研如粉

一味吹入病人兩鼻中差

辟諸邪祟附著及小兒驚哭恐悸方

安息香

一味取一皂子大焚令烟起邪自去

鬼擊

論曰精足則神王精耗則神衰精神耗衰血氣虛弱則邪氣易襲故爾邂逅鬼邪相遇則為鬼擊之病其得之無漸卒著人如矛戟所傷令人胸脇腹滿急痛不可按抑或即吐血或下血輕者獲免重者或至不救治宜符禁之法兼辟邪安正之劑

升麻散方

升麻 獨活 桂心 各半兩

三味為散每服一錢溫酒調下

治鬼排擊方

熟艾 鷄子大三枚

一味以水五盞煎取二盞去滓頓服之

又方

以濃酒吹灌鼻中

又方

以鹽一兩水三盞和攪飲之并以冷水濕之須臾得吐即差

治卒中鬼擊方

雞冠血

一味瀝口中令下咽仍破鷄以搗心下冷即棄於道傷得烏鷄尤佳

聖濟總錄纂要卷十五終

[Faint bleed-through text from the reverse side of the page]

聖濟總錄纂要

卷之十六

程 林雲來 纂

程 特吹萬

較

新安

程 稽與山

程 洪丹問

臟腑虛實門

肝脹 肝氣逆面青多怒

肝脹

論曰肝脹之狀千金謂脅下滿而痛引少腹蓋厥陰之經

聖濟總錄卷之十六
起于大指抵少腹挾胃貫膈布脇肋脉經曰肝病者必兩脇下痛引少腹是也夫肝受邪則令氣血不通故脇下脹滿引少腹而痛也

桂苓湯 肝受邪氣兩脇下痛牽引少腹胸脇脹滿

桂心 赤茯 栢仁 防風 細辛 犀角三分

鼈甲二兩 白朮 枳殼 獨活 桔梗五分 甘草一分

棗水煎三錢空心溫服以知為度

補散 治肝受邪氣客于肝經攻脹兩脇滿悶引少腹痛四肢厥逆拘急

赤茯苓七兩 桂心 蜀漆 石菖蒲二兩 柴胡

紫石英 山茱萸 丹砂一分 赤芍三分

共末酒下一錢

山茱萸湯 治肝受邪氣兩脇脹滿筋脉拘急痛引少腹

山萸 川芎 山藥 木瓜 川歸 五味 黃芪

白朮 生地一分 獨活 棗仁二錢

大棗水煎五錢空心溫服

肝氣逆面青多怒

論曰肝在色為青在志為怒故其氣逆則面青多怒蓋木

臟氣逆于內干之則多怒而面青也

防風湯 治肝氣壅逆肢體沉重面色青時欲噴怒甚則

恍惚狂言心神不守

防風 半夏 秦艽 麻黃 獨活_{二兩} 川歸

遠志 人參 白芍 防已 甘草 片苓 升麻_{一兩}

石羔_{五錢} 薑棗水煎五錢去渣入麝末少許熱服

秦艽散 治肝氣逆面青多怒身難屈伸頭目眩運

秦艽 人參 附子 白朮 川椒 桔梗 乾葛

天冬 川歸_{一兩} 山萸 防風 白芷 前胡

麻黃_{去根} 五味 甘草_{五錢} 烏頭 細辛_{二分}

共末酒下一錢日二

膽腑門

膽虛 膽實 膽虛不得眠 膽熱多睡 膽痺_{口苦}

膽虛

論曰足少陽膽經不足者膽虛也虛則生寒寒則其病恐畏不能獨臥口苦善太息嘔膽汁心下淡淡如人將捕之狀噤中介介數唾頭眩痿躄足指不能搖坐不能起僵仆目視眈則膽氣虛虛則精神不守其氣上溢循其所在而

生病也

中正湯 治膽氣虛寒不足常多恐懼頭眩痿厥心下淡

淡四肢不利僵仆目黃

茯神 羌活 黃芪 懷熟地 酸棗仁一兩 栝子仁

研炒防風 甘菊三分 人參 白芍藥 川歸酒洗

炙甘草五錢 水煎三錢空心溫服以差為度

人參湯 治膽氣虛寒不足精神不守眼目昏眩奔氣在

胸眠臥多恐不安

人參 桂心一兩 白茯 棗仁 知母 石羔兩半

甘草八錢 薑水煎五錢空心溫服日二

膽實

論曰膽實則為有餘有餘則生熱故其症苦腹中氣滿飲食不下咽乾心脇痛不能轉側足外反熱是為陽厥及頭疼目銳背痛缺盆中腫痛脇下腫馬刀俠瘦皆謂膽氣實足少陽壅滯故也

半夏東流水湯 治膽臟氣實生熱腹中氣滿飲食不下

口燥咽乾頭重惡寒脇肋脹痛

半夏薑汁炙 棗仁 生地二兩 片苓 赤茯

遠志一兩 用東流水二鍾煎五錢入秫米生薑温服

瀉熱湯 治膽實熱精神不安

龍骨 棗仁 片苓 竹茹 升麻 茯神 伏龍肝

甘草 水煎三錢温服日二

膽虛不得眠

論曰膽虛不得眠者膽為中正之官足少陽其經也其經

不足復受風邪則膽寒故虛煩而眠卧不安也

千里流水湯 治膽寒虛煩不得眠

半夏三兩 麥冬三兩 白茯苓四兩 人參 片苓 遠志

草薺 桂心 甘草 酸棗仁炒二兩 集驗外臺有生薑無遠志

以千里水五大鍾入秫米半合煎候沸揚千遍澄清

鍾半入藥五錢薑半分再沸空心温服

五味子湯 治膽氣虛冷頭痛心中驚悸眠臥不安常如

人將捕之狀精神不守

五味子 白茯苓 人參 遠志 川芎 熟地

棗仁微炒 麥冬一分 桑寄生五錢 大棗水煎三錢服

棗仁丸 治膽氣虛熱不眠

棗仁 地榆一兩 丹砂 人參 白茯苓 石菖蒲五錢

膽虛不得眠

共末蜜丸小豆大空心米飲下二三十丸

山藥丸 治膽氣虛冷精神不守眠臥不寧頭痛目眩常

懷恐畏不能獨處

懷山藥 酸棗仁 茯神 栢子仁 山茱萸三分

共末蜜丸小豆大空心酒下三十九米飲亦可

人參散 治膽虛眠卧不安多驚悸

人參 白茯一兩 丹砂飛過 茯神五錢

共末米飲下一錢或用蜜丸梧子大飲下亦可

乳香散 治膽風不得眠精神恍惚

乳香炙去油研

馬頭腦骨燒灰研一兩

酸棗仁微炒二兩

共末空心酒下二錢以差為度

膽熱多睡

論曰膽熱多睡者蓋膽腑清淨決斷乃所自出今肝膽但實榮衛壅塞則清淨者濁而擾矣故精神不守而多睡也神既昏憤是以常寢卧

半夏湯 治膽熱精神不守昏困多睡

半夏薑汁炒三兩

懷生地五兩

赤茯

遠志二兩

棗仁生用

黃芩一兩

長流水三鍾煎秫米半合取汁入藥五

錢溫服

黃連湯 治膽熱口苦神昏多睡

川連 片苓 赤茯 麥冬 升麻一分 水煎三錢溫服

棗仁湯 治膽風毒氣虛實不和昏困多眠

棗仁生用研一兩 臘茶薑汁塗炙微焦二兩 水煎二錢溫服

膽癰

論曰經謂有病口苦名曰膽癰夫膽為中正之官清淨之腑十一臟之所取決咽為之使若數謀慮不決則膽虛氣上溢而口為之苦膽主藏不瀉今數謀不斷則清淨者濁

而擾矣故氣上溢而其症為口苦也經所謂是動則病口苦以氣為是動也

麥冬湯 治膽氣虛逆口中常苦煩躁引飲

麥冬 片苓 大黃炒 地骨皮 炙甘草 羚羊角

升麻 茯神一兩 水煎三錢入竹茹半分溫服

黃連丸 治膽氣熱口苦

胡黃連一兩 青羊角 蛇黃炙研如粉五錢 熊膽 青黛真者

研一分 共末用黃牛膽汁和丸或羯羊膽亦可丸如菉

豆大食後淡竹葉煎湯放溫下七丸至十九

心臟門

心中寒

心健忘

善笑

心中寒

論曰心中寒者心痛徹背背痛徹心如蠱注之狀蓋心為陽藏中寒則寒必甚其心背徹痛則寒邪乃藏深矣

赤石脂丸

治心中寒心痛徹背背痛徹心

赤石脂

兩半

人參

細辛

兩一

桂心

烏頭

三分

黑乾薑

兩二

川椒

炒五錢

共末入蜜丸梧子大飲下十

丸日二未効漸加丸數

吳茱萸丸

治心中寒心背徹痛

吳茱萸

湯洗醋炒一升

桂心

川歸

兩二

共末入蜜杵丸梧

子大酒下三四丸臨卧再下

心健忘

論曰健忘之病本于心虛若血氣衰少精神昏憤故心志動亂而多忘蓋心者君主之官神明出焉苟為怵惕思慮所傷或憂愁過損驚懼失志皆致是疾故曰憂愁思慮則傷心心傷則善忘

安神定志人參湯

治心善忘小便赤澀多夢亡人或夢

水澤中驚恐惕惕目視眈眈不欲聞人聲音食不知味

人參 甘草_{二兩} 半夏 龍骨_{三兩} 麥冬 石羔

懷熟地_{四兩} 遠志_{用甘草水浸過四兩} 水煎五錢入大棗小麥

去渣入阿膠末一錢飴糖少許再沸溫服日二

延齡養散 治心臟氣虛健忘服之安神養氣聰明不忘

茯神 人參 益智仁 懷熟地 藿香葉 桑寄生

沉香 防風 炙甘草_{一兩} 共末空心米飲下二錢_{二日}

白石英湯 治心氣虛健忘精神不足失志善忘陰痿懶

語多驚稍思慮即小便白濁

白石英 人參 川芎 白朮 藿香葉 紫石英

石斛 石菖蒲 續斷_{一兩} 炙甘草 細辛_{五錢}

水煎三錢服

檀香丸 治心虛常忪悸恐懼多忘

白檀香 桂心 白茯苓 甘草_{三兩} 石菖蒲

蘇合油_{酒化} 天竺黃 犀角 懷生地_{一兩} 人參

麥門冬 遠志_{兩半} 共末用蘇合油入蜜杵丸芡實大

食後含化一丸飲下

烏犀角丸 治心虛憂愁過度驚悸善忘精神恍惚言語
無度心中煩悶服之安魂定魄

烏犀角 麥冬 遠志 羚羊角 郁李仁 鐵粉飛過

丹砂飛一分 人參 茯神 龍齒五錢 冰片一錢另研

共末入蜜拌丸艾實大金箔為衣酒嚼一九飲下小
兒半丸

善笑

論曰內經謂神有餘則笑不休蓋心藏神在聲音為笑在
志為喜今心氣實則神有餘神有餘則陽氣發越此所以

有善笑之症

草龍膽丸 治心經實熱驚悸喜笑

草龍膽 白薇 茯神 山枝仁 大黃微炒二兩

麥門冬三兩 羚羊角 玄參二兩半 人參 炙甘草兩半

共末入蜜杵丸梧子大空心大棗湯下二三十九丸二日

丹砂丸 治心氣有餘精神恍惚自語自笑舉止不常

丹砂飛過 乳香炙去油 酸棗仁生用一兩

共末酒糊丸如梧桐子大水下十丸

龍齒丸 治心神狂越多喜善笑如邪祟

龍齒 遠志 人參 生地 山藥 防風 地骨皮

五味 白茯苓 麥冬 天冬 車前子一兩 炒

共末入蜜杵丸梧子大用竹葉湯下二三十丸日二

丹砂酒 治心神不定登高臨險言語不避親疎時時自

笑高聲叫呼舉止無常大便秘小便赤解衣露體不能安處

丹砂飛過 五錢 麝香研二 錢 同研勻入白酒二升重湯慢

煨隨患人平日酒量令醉候患人睡着急厚衣被蓋之令汗出病愈若病人不能多飲藥只用其半時時

飲之良

小腸腑門

小腸虛 小腸實

小腸虛

論曰小腸者受盛之官心之腑也乃手太陽之經其氣虛則為不足故左手寸口人迎以前脉陽虛者小腸虛也虛則生寒是故有顛際頭角徧痛耳聾不聰驚跳小便頻數之症治宜補之

牡蠣丸 治小腸虛寒小便數小便下久面有膜如乳狀膏

牡蠣童便 石斛 川芎 益智仁 草薺 石硫黃

研另 龍骨 五味子 牛膝 狗脊 山萸肉

巴戟天 續斷一兩 共末入蜜杵丸梧子大鹽湯下四

十九便止即已

益智仁丸 治小腸虛寒小便後有餘瀝陰痿

益智仁 川芎 木瓜 巴戟天 川草薺 川續斷

牛膝 狗脊五錢 附子一枚 共末蜜丸梧子大鹽湯下

四十九日二

斷弓弦散 治小腸氣虛寒撮痛并女人血刺心痛

五靈脂 蒲黃新者一兩 先用好米醋一合入藥二錢熬

成膏以水一鍾煎七分熱啣 又名失笑散

藜香子丸 治小腸虛冷少腹氣痛

藜香子 桂心一兩 木香 附子 葶沉茄 赤石脂

三分 川歸酒洗 川椒炒五錢 共末入蜜丸梧子大酒下二十九

小腸實

論曰小腸者受盛之官心之腑也手太陽之經其脉盛則為有餘故左手寸口人迎以前脉陽實者小腸實也夫實則生熱是故有身熱來去口瘡心煩身重汗不出并小便

不利之症治宜瀉之

麥冬湯 治小腸實熱脉氣盛實小便赤澀下血

麥冬 知母 片苓 木通 升麻 蒲黃一分 大黃

炒三分 水煎三錢温服日二以差為度

瞿麥穗湯 治小腸實熱小便黃赤結澀不通

瞿麥穗 猪苓 川連 防已 烏犀角 車前子炒

兩 炙甘草五錢 木通一兩 水煎三錢温服日一

脾臟門

脾痺 穀勞

脾痺

論曰有病口甘者此五氣之溢也名曰脾痺夫食入于陰長氣于陽肥甘太過令內熱而中滿則陽氣盛矣故單陽名為痺其症口甘久而弗治轉為消渴以熱氣上溢故也

蘭草湯 治脾痺口甘中滿

蘭草兩切一 水三鍾煎令減半分三服早中晚用以差

為度

麥冬湯 治脾痺發口甘煩渴

麥門冬 石羔三兩 白芍藥 片苓兩半 烏犀角兩

枝子五枚碎

水煎五錢去滓入朴硝五分再二三沸溫

服日二

石羔湯 治心脾實熱口甘煩渴引飲無度

石羔四兩

人參

知母

白芍

紫苑

茯神

赤石脂

白朮

山枝兩半

竹瀝

生地汁

水煎五錢去渣入竹瀝少許生地汁一合再二三沸

溫服若宜利加芒硝一兩去白芍藥

麥冬生地汁煎 治脾瘰內熱口甘煩渴引飲

生麥冬汁

懷生地汁

生白蜜半斤

括樓根

兩

犀角

生者

淡竹葉

知母

鹽酒炒

地骨皮

萎蕤

綿黃芪

升麻

兩

炙甘草

五錢

凝水石

滓研

石羔

二研

兩

除二汁蜜用井華水七升煮十一味取三升濾去

渣入汁蜜同慢煎如稀餲入瓷瓶內重湯頓稠成煎

收貯每用一二匙含化溫湯送下日二夜一

穀勞

論曰胃受水穀其氣虛弱不能傳化則令人怠惰嗜卧肢體煩重腹滿善饑而不能食食已則發穀氣不行使然也故謂之穀勞

沉香湯 治穀勞體重食已便卧使氣消食化

沉香 白朮土炒 紫朴薑炒 人參 白茯苓

半夏薑汁炒 木香 草豆蔻 甘草三分 陳皮去白炒

黑乾薑一分 生薑大棗水煎三錢温服日二

木香湯 治穀勞身重少力多困

木香 陳皮 人參 甘草 陳麩三分 紫朴

蓬莪茂 大麥蘖炒 棗肉五十枚

水煎三錢温服日二

白豆蔻丸 治穀勞身重食已困倦少力食已即眠

白豆蔻兩半 枳殼去白炒 桂心 陳皮去白炒

訶黎勒麩煨取皮 川歸一兩酒浸 共末蒸大棗肉和末杵丸

梧子大用淡薑湯空心下二三十丸臨卧再服酒下

亦可

胃腑門

食亦 胃反 噦 噫醋 胃寒腸熱

胃熱腸寒

食亦

論曰內經云大腸移熱于胃善食而瘦亦謂之食亦胃移

熱于膽亦曰食亦夫胃為木穀之海所以化氣味而為榮
衛者也胃氣和則食有節氣血盛而膚革充盈若乃胃受
邪熱消爍穀氣不能變精血故善食而瘦也病名食亦言
雖能食亦若饑也胃移熱于膽亦曰食亦以膽為陽木熱
氣乘之則爍土而消穀也

參苓丸 治胃中結熱消穀善食不生饑肉

人參 赤茯苓 菖蒲 遠志 牛膝 地骨皮二兩

共末蜜丸梧子大飲下二十九日二

甘露飲 治胃熱善食不生肌

生地 熟地 天冬 麥冬 片苓 石斛 枇杷葉
甘草 枳殼 茵陳蒿一兩 水煎三錢服

胃反

論曰脾與胃合主腐熟水穀今脾胃氣虛水穀不化與停
飲相擊胃中虛脹其氣逆上食久反出故名胃反其候朝
食暮吐暮食朝吐寒熱時作心下痞結狀如覆杯
人參湯 治胃反食下便吐

人參 澤瀉 甘草 大黃炒 桂心二兩 赤茯苓四兩
竹茹三兩 陳皮 乾薑一兩 水煎五錢服日二

鉛丹丸 治胃反嘔吐噦逆

黑鉛 四兩化汁入紙灰以槲木椎研成粉羅過二兩 米醋二升熬成膏入蒸

餅少許熟丸如赤小豆大薑湯下十九飲亦可

木香湯 胃反不納飲食開胃和氣

木香 一分 糯米 撮 胡椒 二十粒 同炒米熟研末分五

服水煎服

田季散 久患翻胃及小兒驚吐諸吐

硫黃 五錢 水銀 一錢五分 同研黑煤色 生薑 四兩取汁

酒一鍾 和藥三錢空心服之以衣被蓋覆自足指汗

出迤邐徧身汗徹即差 常有人病反胃經三年不

差消瘦殆盡用藥一服汗出如膠腥穢不可近當日

更不復吐遂差又小兒諸吐量大小與藥一字至三

四字冷水下吐立定此散極浮難調須先滴少水以

指緩緩研殺稍增湯調和若傾入湯酒盡浮泛不可

服又烏頭煮散吳茱萸散皆治反胃惟田季散有陰

陽理勝于二方今載于後但性差熱更量臟腑寒溫

用之

吳茱萸散 胃氣虛冷不能飲食食即吐酸水

吳茱萸 湯洗七次炒 乾薑 炮製二兩 共末空心熱酒下三錢

吳茱萸丸 治年深膈氣翻胃早食晚吐生存不化膈上

常有痰涎時時嘔血胸多酸水吐清水無時夜吐至

曉日漸消瘦羸弱腹中痛楚痰逆時復冷滑又即秘

結等疾

吳茱萸 湯洗炒三分 半夏 一兩生薑四兩取汁入水煮爛細研成膏 當歸 酒洗

人參 胡椒 甘草 五錢半生用半紙裹六七重醋浸煨乾又浸又煨七次

白礬 燒枯五錢 共末膏丸梧子大桑柳枝煎湯下七九日

三服忌食諸毒發物惟可食油煎猪胰脾軟飯

茯苓飲 治胃反吐逆發渴飲水

赤茯苓 二兩 白朮 甘草 桂心 五錢 澤瀉 乾薑 炒一兩

水煎五錢空心服日二

通膈湯 治胃反不下食

漉布 取對陰戶者洗去鹹水焙乾燒灰 白朮 一兩 大黃 炒五錢 檳榔

丁香 訶梨勒 木香 半夏 三分 薑水煎三錢服

噦

論曰人食于口而聚于胃脾胃散精氣以養四旁臟腑氣和乃能埤助于中若脾胃氣虛不能傳化水穀之精與新

穀相干脾胃氣逆痞滿復遇冷折之故令噦逆也

人參湯 治噦逆不止

白茯苓 人參 白朮 藿香五錢 甘草一分 水煎三錢 溫服

水銀膏 治諸般噦逆

水銀不結沙 硫黃細研 太陰玄精石各一兩 共和勻研

極細用米醋五升文武火熬成膏磁盒收貯旋丸梧

子大艾湯下七丸

枇杷葉湯 治噦逆不止飲食不下

枇杷葉去毛炙 陳皮去白炒 甘草炙三兩

葶藶水煎三錢稍熱服

三聖散 治噦逆不止

丁香四十粒 胡椒十四粒 半夏大者七枚 共末大人

薑湯下一字 小兒筋頭蘸薑汁點藥口中立愈至

甚不過二服

神効方 治胃口冷噦逆不止

大棗一枚 入胡椒七粒溼紙包煨熟出火毒空心細

嚼溫酒送下以粥投之取効為度

噦醋吞酸

噦醋吞酸

丸

論曰上焦有留飲脾胃挾宿寒致飲食滯于膈腕不能傳化令人腹滿氣逆所以噫醋也

半夏丸 治上焦冷氣噫醋吞酸吐沫嘔逆不思飲食

半夏薑汁製 丁香五錢 乾薑炒一分 共末薑汁糊丸

梧子大空心木瓜鹽湯下十五丸

藿香半夏丸 治胸膈有痰脾胃積冷噫醋吞酸不思食

藿香一分 半夏五兩薑汁浸 丁香五錢

共末糊丸梧子大薑湯下十五丸

丁香煑散 治噫醋吞酸不欲飲食

丁香 乾薑五錢 人參 白朮 白芷 赤茯苓

桔梗炒 半夏 甘草 桂心一分 檳榔 高良姜

肉豆蔻一分 共末薑棗水煎三錢服

丁香丸 治食飲不化噫氣吞酸

丁香 人參 五味 半夏五錢 甘草 琥珀

乾薑一分 桂心 枳殼 視布 訶勒皮三分

共末蜜丸梧子大空心薑橘湯下二十九

胃寒腸熱

論曰病有腹脹而泄者為胃寒腸熱胃受寒則氣收不行

而為脹滿腸客熱則水穀不聚而為泄注病本濁寒之氣
在上清熱之氣在下故為腹脹而且泄也

訶梨勒湯 治胃寒腸熱腹脹滿悶泄瀉不止

訶勒皮兩半 青皮 大黃炒 陳皮 紫朴薑汁炒

高良姜炮 枳殼炒五錢 防風 甘草一分 乾薑一兩

薑棗水煎三錢服

當歸黃連湯 治胃寒腸熱腹脹泄利

當歸 川連二兩 木香 紫朴薑汁炒 訶梨勒

吳茱萸洗炒 赤茯苓一兩

共末蜜丸梧子大飲下三十九日二

紫朴丸 治胃寒腸熱腹脹泄利

紫朴薑汁炒兩半 附子 龍骨 川連 白石脂

訶梨勒 吳茱萸洗炒 乾薑一兩 共末醋浸炊餅丸梧

子大空心吳茱萸湯下三十九米飲亦可

妙應丸 治胃寒腸熱腹脹泄利

烏頭炮去皮臍五錢 枝子 乾薑一分 共末薑取自然汁和

丸梧子大空心酒下七丸日二

胃熱腸寒

論曰腸胃相通疾病相連人因飲食不節寒溫失宜致腸胃受邪有冷有熱病症俱見者則善饑小腹脹為胃熱腸寒之病胃熱則消穀故善饑腸寒則血凝脈急故小腹

痛又寒則氣聚故痛而且脹
地黃湯 治胃熱腸寒食已小腹痛脹

熟地 人參 白茯苓 地骨皮 甘草 枇杷葉去毛

麥冬 石斛 黃芪炙二兩 水煎三錢空心服

調中湯 同

人參 白朮十兩 甘草炙 紫河車炙二兩

水煎三錢空心服

麥冬湯 同

麥冬 炙甘草二兩 白朮 羌活 白茯苓 旋復花酒洗

人參 升麻 桑白皮 白芍藥 玄參 當歸酒洗

柴胡一兩 胡黃連一分 木香五錢 熟地兩半 共搗粗末

薑棗水煎三錢入甘草一寸空心服日二

肺臟門

肺消 膈消 肺痿 肺痿咽燥

肺痿小便數 肺癰 肺癰喘急胛滿

肺消

論曰內經謂心移寒于肺故為肺消肺消者飲一洩二病不治夫病必有傳而傳則有順有逆傳其所生者順順則易治傳其所勝者逆逆則難治緣心經受邪傳之于肺是為逆症蓋以寒邪隨心火內燄金精肺臟既已銷鑠氣無所持故症飲少而洩多也當其始病之時治宜去其寒邪使不乘心火而移害于肺至于肺已既消則又當補其肺氣平其心火邪無所容而病自愈

黃芪湯 治肺消飲少洩多

黃芪

三兩 蜜炙

人參

五味子

麥冬

貝母

去心

桑白皮

東引者炙

枸杞子

酒浸

懷熟地

兩半

水煎五錢空心溫服日二

兔絲子散

治肺消飲少洩多

兔絲子

酒洗淨用白酒浸一宿 煮搗爛焙乾研一兩

雞臙脰黃皮

不見水 炙兩半

蒲黃

紙隔微炒

五味子

炒

川連

去鬚蘆水 洗兩半

肉蓯蓉

酒洗

去甲焙乾一兩

硝石

五錢

共末酒下三錢日二

黃芪湯

同

黃芪

蜜微炙

土瓜根

二兩半

菝葜

地骨皮

五味子

人參 石羔研 牡蠣童便淬 水煎五錢服日二

膈消

論曰心移熱于肺傳為膈消夫心肺二臟皆居膈上心火既熾移熾于金二臟俱熱薰蒸膈間而血氣消鑠也心主血肺主氣俱受邪熱宜不息而消故久則引飲為消渴之疾

麥冬飲 治膈消胸中煩滿津液燥少短氣多渴

麥冬二兩 人參 生地 五味 甘草 葛根 栝樓

知母 茯神一兩 水煎五錢入淡竹葉十片温服日二

除熱地黃煎 治膈消煩渴

生地汁 生栝樓汁二升 牛乳三升 白蜜半斤 川連一斤

為末 合煎減半入末收成膏熱湯化下二大匙日三

知母湯 治膈消心胸煩渴咽燥

知母 子芩 白茯苓 生薑焙 澤瀉二兩 小麥八合

大棗肉十五枚 甘草二兩 水煎五錢入淡竹葉十五片

温服日二

肺痿

論曰內經謂熱在上焦因欬為肺痿其病之所得或因汗

出或因嘔吐或因消渴或小便利數或因便難數被快藥下利重亡津液故得之診其寸口脉數而虛其人胸煩多唾唇燥小便難或數欬不得欬欬則出乾沫胸中隱隱痛者是也

地黃湯 治虛寒肺痿喘急

懷熟地 川芎五兩 人參 桂心三兩 桑白皮炒二升

大麻仁一升炒研如脂 水煎五錢去滓入麻仁脂少許再數

沸溫服日二

旋復花湯 治肺痿咳嗽吐稠黏虛瘦喘急盜汗

旋復花 甘草 牡蠣帶滓一兩 生地汁 生薑汁二合

紫苑 桔梗炒 萎蕤五錢

水煎五錢去滓入二汁少許沸服日二

紫苑湯 治肺痿咳嗽涕吐稠黏小便不利

紫苑 天冬 桔梗五錢 白茯苓 知母一兩 百合二兩

生地汁 水煎五錢去滓入生地汁半合沸服要利加

朴硝末少許此疾利多為肺與大腸合故秘澀者少

鹿髓煎 治傷中氣脉絕筋急肺痿咳嗽

鹿髓半斤 白蜜 真酥二兩 杏仁去皮尖三兩 桃仁去皮尖三

兩炒研用酒 一升濾汁 生地汁五合 先將二仁汁地汁煎減半 下鹿髓酥蜜攪勻慢煎如餠不拘早晚頻服一匙如 無鹿髓以牛髓代之

肺痿咽燥

論曰熱在上焦因咳為肺痿其脉則寸口數其症則咳而 口中有濁唾涎沫甚者咽中乾燥蓋以邪熱薰肺使然或 因快藥下利重亾津液所致

天冬丸 治肺痿咽乾煩燥痰壅咳嗽小便澀赤眠卧不 安咳吐涎沫咽喉腫痛

天冬 人參二兩 杏仁 甘草一兩 貝母 阿膠

桑白皮 五味子五錢 共末蜜丸梧子大臨卧人參湯

下十丸含化亦可

生薑甘草湯 治肺痿咳吐涎沫不止咽燥而渴

生薑五兩 甘草四兩 人參三兩 大棗十五枚

水煎六錢温服日二

天冬煎 治肺痿咳嗽吐涎沫咽燥渴

生天冬汁 醇白酒 飴糖一斤 紫苑四兩 為末 將酒汁

重湯煎沸下苑末攪勻入飴糖可丸即丸如杏仁大

津液含化一九日三

生地煎 治肺痿喘嗽涕吐稠黏咽膈不利

懷生地

杏仁

去皮尖炒 研三兩

生薑

二兩與生地 同研取汁

玄參

生一斤

天冬

去心 半斤

麥冬

去心一斤二 味用生者

牛旁子

生用四兩與玄參二冬 蘇子同用水搗取汁

蘇子

炒二兩

蘇子

炒二兩

蘇子

炒二兩

蘇子

炒二兩

蘇子

令稠入煉過蜜五兩真酥二兩攪勻入磁罐內放飯

甌蒸少時收貯頻化一匙

肺痿小便數

論曰內經云臟真高于肺又曰真氣奪則虛今肺中冷則

肺中真氣不足而其人上虛矣虛則無以制下故上為肺痿下為小便數以致生涎沫而欲咳不能咳者皆其症也治宜以溫藥和之

白茯苓湯

治肺痿小便數甚者吐涎沫欲咳不能

白茯苓

附子

桂心

白芍

三兩 炒

川椒

炒四 十粒

肉苁蓉

兩 半

補骨脂

黃芪

一兩

水煎三錢空心溫服

日二

甘草乾薑湯

治肺痿小便數咳吐涎沫

炙甘草

四兩

黑乾薑

二兩

用水煎三錢空心溫服日二

以差為度

五味子湯 治肺痿小便數

五味子 欵冬花 人參 桂心二兩 麥門冬

桑白皮炙三兩 生薑大棗水煎六錢空心溫服日二

龍骨湯 治肺痿小便數漸覺氣弱

白龍骨 肉蓯蓉 黃芪蜜炙一兩 附子 白薇

牡蠣醋淬三分 炙甘草五錢 生薑大棗水煎三錢溫服日

肺癰

論曰肺癰之病脉數而實蓋以風中于衛呼氣不入熱過

于榮吸而不出風熱凝滯蓄結為癰其症惡寒口乾胸中
隱隱痛咳而胸滿時出腥唾者是也宜速治之久則吐膿
如米粥始萌可救膿成難治

葦葉湯 治肺癰

葦葉細切二升 桃仁去皮尖炒五十枚研 瓜萋仁 薏苡仁半升

用水一斗將葦葉取汁五升入藥煮二升去滓分三
服當吐如膿差

甜葶藶丸 治肺癰

甜葶藶紙炒研 杏仁去皮尖一兩炒研膏 貝母炒五錢研 皂莢肥大

不蛀者 二兩 先將皂莢椎碎入無灰酒半升內熟按濾去

滓慢煎成膏將三味共末入膏和丸梧子大溫水下
二十九丸如肺氣喘急濃煎桑白皮湯下

防已丸 治肺癰咳嗽久不差

防已 杏仁去皮尖炒研 川貝母 炙甘草二兩 甜葶藶

紙炒研 共末糊丸梧子大水下三十九日二

地黃湯 治肺癰

生地汁一斤 人參 附子 白石英醋淬三次 川歸

甘草炙一兩 白豆小者二十粒 白絲毛雞一隻男人用雌者女人用雄者

治如食法 用水一斗五升先煮雞取汁七升去雞入地汁
再沸下諸藥慢火煎三升濾去滓每服一鍾日三夜

桔梗湯 治肺癰吐膿如粳米粥

桔梗炒三兩 炙甘草一兩 水煎六錢空心溫服須臾吐

膿數合再服

薏苡仁湯 治肺癰咳嗽

薏苡仁一升 苦酒三升 用酒煮薏苡仁至一升溫頓服吐

出膿血驗

桔梗白朮湯 治肺癰吐膿經時不差

桔梗炒三升

白木

懷生地

薏苡仁

炙甘草

敗醬二兩

桑白皮一升

川歸一兩

大豆四升

用水一斗

五升煮豆取汁七升內清大酒三升合諸藥煮之去滓取三升每服一鍾日三夜一

肺癰喘急胛滿

論曰內經謂肺之癰喘而兩胛滿蓋肺主氣而合于息其脉別支者從肺系橫出腋腋下故邪氣蘊積于肺則上為喘急下連兩胛滿治宜瀉其肺臟之邪毒病斯愈矣
葶藶大棗瀉肺湯 治肺癰喘急不得安卧

葶藶

甜者五兩紙炒研取末五錢

大棗

去核十枚

用水三大鍾煮棗

取汁入葶末五錢一二沸温服日止一服

平肺湯

治肺癰氣急喘逆咳嗽胛滿

黃芪

陳皮

杏仁一兩

沉香五錢

人參

紫苑

紫蘇二兩

水煎五錢温服日二

夜合湯

治肺癰咳喘體有微熱煩滿胸前皮甲錯者

夜合白皮

一兩炙即合歡皮肺癰之妙藥

水三鍾半分二服日服之

以差為度

大腸腑門

腸垢 處瘕

腸垢

論曰內經謂大腸有熱便腸垢巢元方云腸垢者腸間津汗垢膩也蓋傳化之腑熱氣積而為痢痢久不已腸間虛滑津垢乃出是邪熱氣實真臟氣虛故有此症

附子丸 治腸垢因久痢腸滑下垢不止羸困

附子去皮臍炮 桂心 赤石脂 黑乾薑二兩 共末入蜜

杵丸梧子大空心米飲下二三十九臨臥再下

處瘕

論曰內經謂小腸移熱于大腸為處瘕夫小腸者乃受盛之官化物出焉大腸者乃傳導之官變化出焉二者皆以傳化為事今也小腸受熱移于大腸則陰氣虛而津液耗不能滑利故糟粕內結沉伏而為瘕聚腸間苑結大便秘澀是也

檳榔丸 治大小腸胃受熱氣不宣通瘕聚沉伏腸間苑

結腹脇脹滿大便秘澀

檳榔 大黃 枳殼炒二兩 桃仁去皮尖炒 大麻仁炒
青皮炒 木香兩 共末溫水下一錢日二以知為度

秦朮湯 治大腸虛痕秘澀躁悶

秦朮兩半 防風 枳殼 檳榔 桂心 獨活

牽牛生搗一兩 朴硝研

水煎三錢去滓入硝末五分再沸服日二

腎臟門

腎虛 腎實 腎脹 解脩 瘖俳 腎虛陽痿

腎虛多唾 骨虛實 髓虛實

腎虛

論曰腎主水受五臟六腑之精而藏之若腎氣虛弱則足

少陰之經不利故其症腰背痠疼小便滑利臍腹痛耳鳴
四肢逆冷骨枯髓寒足脛力劣不能久立故曰診左手尺
中神門以後陰脉虛者為少陰經病令心悶下重足腫不
可按蓋足少陰腎之經也

磁石丸 治腎經虛憊四肢無力體面少色惡風寒手足

冷骨節痛耳內蟬鳴

磁石醋滓七次研 附子 桂心 補骨脂 肉蓯蓉兩一

巴戟天去心 續斷 人參 白茯苓 柴胡 黃芪

山藥 紫朴薑汁炒 木香 牛膝酒浸 遠志甘草水浸

川椒炒一兩

羊腎一對去筋膜鹽水煮

檳榔一枚

桃仁去皮尖炒

共末入蜜杵丸梧子大空心酒下二三十丸日二

鹿茸丸 治男子腎臟虛損腰脚弱氣不足體煩倦面色

黑小便數

鹿茸一對酒浸去毛炙

附子 牛膝 人參 木香

巴戟天 天雄 肉蓯蓉酒浸去甲 五味子 川椒

羌活 桑螵蛸 兔絲子 葫蘆巴 紅豆蔻 山藥

沉香 肉豆蔻 楮實子 懷熟地 白蒺藜 桂心

白茯苓炙一兩 沒藥炙一兩 共末入蜜杵丸梧子大酒下二十

丸日二

羊腎丸 治腎虛攻注四肢煩熱多汗肢節痛耳鳴

羊腎一對去筋膜 杏仁去皮尖炒 川椒 川歸 麻黃去根節

黃芪一兩 共末用羊腎酒煮爛研酒煮糊丸梧子大酒

下二十九日二

羊骨補腎丸 治腎虛寒耳鳴好睡日漸痿弱

羊脛骨酥炙五兩 白朮 磁石醋淬二七次二兩 桂心三兩

黃芪炙 白茯苓乳浸 乾薑一兩 水煎五錢温服日二

葫蘆巴丸 治腎氣虛損陽氣痿弱補虛損與陽氣

葫蘆巴微炒 附子 肉蓯蓉 巴戟紫者炒 藿香子炒

川牛膝 蛇牀子 桂心 棟實去皮醋浸 補骨脂

蓬莪茂醋浸煨

共末入蜜杵丸梧子大薑鹽湯下二十九日二

桑螵蛸丸 治腎元虛耳聾脹滿腰脊強直小便赤黃

桑螵蛸炒 山藥 沉香 山萸肉 肉蓯蓉 磁石

五味子 川歸五錢 附子三枚 石菖蒲 續斷

藿香子炒一分

共末蜜丸梧子大酒下二十九日二

沉香飲 治腎氣虛小腹急滿骨肉乾枯陰囊溼痒

沉香 木香 羌活 熟地 黃芪 澤瀉 桑螵蛸

白芍 川歸 天雄 續斷 磁石醋淬七次研一分

牛膝 大腹皮三分 生薑水煎五錢温服日二

慶雲散 治陽氣不足腎元虛精乏不能施化

兔絲子五兩 天冬九兩 五味子六兩 覆盆子十兩

紫石英二兩 桑寄生 天雄一兩 白朮 石斛三兩

共末酒下二錢 氣寒者去桑寄生用細辛二兩

腎實腎何能實以腎人實也

論曰足少陰腎經其氣實為有餘有餘則舌燥咽腫上氣
盛乾咳喘汗出腰背強急體重內熱小便黃赤腰脊引痛
足脛腫滿此由足少陰經氣實或為邪溼所加故有是症
治宜瀉之

瀉腎大黃湯 治腎元實熱小腹腹脹腰重不利足下熱

痛耳聾腰解夢伏水中

大黃蜜水 懷生地 磁石醋淬七 玄參 片苓

澤瀉 五加皮 羚羊角 石菖蒲 炙甘草 赤茯

苓一兩 水煎三錢入竹葉二七片溫服日二

羚羊角湯 治腎元實熱多怒好忘肢體煩滿腰腹急重

羚羊 升麻 檳榔 白芍 杏仁 甘草 澤瀉

子苓 木通 赤茯一兩

水煎三錢入竹葉十四片溫服日二

大澤瀉湯 治腎元實熱多怒善忘舌燥咽腫喘急耳聽

不聰四肢滿急腰背強直

澤瀉 子苓 升麻 杏仁去皮 芒硝研三 磁石

醋淬七 茯苓 大青 竹葉二兩 懷生地五兩

羚羊角一兩 柴胡三兩 水煎五錢空心溫服日二

腎脹

論曰腎脹之病腹滿引背中央然腰髀痛者是也蓋腎主腰脚其經屬足少陰與足太陽為表裏故腎經所過抵少腹通膀胱挾脊內過髀樞循髀外是動則病髀不可以曲今寒氣積于腎經不得宣故氣留滯而為脹名曰腎脹温經湯 治腎虛脹寒氣不宣利上攻腹內及背腰脊髀痛

附子

杜仲鹽酒炒

牛膝一兩

補骨脂

川續斷

黑乾薑

桂心三分

生薑水煎三錢入鹽一捻服日二

藁香子散

治腎虛脹氣攻腰腹髀痛

藁香子

桂心

石斛

懷熟地

桃仁

去皮尖炒

黑乾薑

杜仲酒炒

甘草一兩

共末空心酒下二錢日二

八味丸

治腎氣虛冷氣攻腰腹痛

附子

去皮臍炮

桂心

澤瀉

二兩

懷熟地

八兩

山藥

山萸肉

四兩

牡丹皮

不見火

白茯苓

三兩

共末入蜜杵丸

梧子大空心酒下二三十丸鹽湯下亦可久服温腎

經消脹滿

解僂

論曰內經云冬脉太過則令人解僂其症脊脉痛而少氣不欲言語夫腎為作強之官精為養身之本所以運動形體者也一或受邪則腎實而精不運故有脊脉痛少氣不欲言之証其名解僂者解有解緩之義僂則疑其寒亦疑其熱疑于壯又疑于弱有不可必之之詞診其尺脉緩而濇者為解僂也

利腎湯 治解僂脊脉痛而少氣不欲言此為腎氣有餘

- 懷生地 赤茯苓 澤瀉兩 柴胡 枳殼去白

- 麥門冬 川牛膝 檳榔 子芩兩

水煎三錢空心温服日二

通腎湯 治解僂少氣不欲言脊脉急痛腰背強直足下

熱疼小便癢閉心煩咽乾

- 懷生地 羚羊角 赤芍 石菖蒲兩 猪苓

- 炙甘草 五加皮 澤瀉兩 水煎三錢温服日二

瘖俳

論曰內經謂內奪而厥則為瘖俳此腎虛也瘖俳之狀舌瘖不能言語足廢不能為運用蓋腎脉挾舌本腎氣內奪

氣厥不至舌本 故不能言語而為瘖腎脉循陰股循脣
骨內踝入足下腎氣不足故足廢而為俳各曰瘖俳
熟地黃湯 治腎氣虛厥語聲不出足廢不為運用

懷熟地 附子 石斛 五味 巴戟天 肉蓯蓉

山萸肉 桂心 遠志 麥冬去心 白茯苓 石菖蒲

五錢 生薑大棗水煎三錢溫服日二

補骨脂丸 治瘖俳腎氣內奪舌瘖足廢

補骨脂 肉蓯蓉一兩 遠志 麥冬 石菖蒲

鍾乳粉五錢 共末入蜜杵丸梧子大用木通湯下三十

九日一

腎虛陽痿

論曰腎臟虛損陽氣痿弱者蓋由嗜慾不節勞傷腎氣精
血耗竭臟腑空虛血氣不能充養故也治宜補虛損興陽
道益精氣

五味子丸 治腎虛損精神精神衰竭陽道痿弱腰脚無

力

五味子 兔絲子 鹿茸去毛 巴戟天 杜仲

肉蓯蓉一兩 共末入蜜杵丸梧子大酒下二三十九日

磁石九 治腎氣虛損骨髓枯竭小便頻數腰背拘急耳鳴面色黑黯陽道痿弱

磁石 醋淬二七次二兩 附子 一兩 人參 白朮 白朮

地骨皮 桂心 五味 熟地 黃芪 牡蠣

澤瀉 三分 共粗搗每用羊腎一對煮汁入藥三錢薑棗

煎服日二

助陽丸 治腎虛損陽氣痿弱無力志意不快小便數

附子 人參 鹿茸 去毛炙 兔絲子 肉苁蓉

鍾乳粉 黃芪 原蠶蛾 一兩

共末入蜜杵丸梧子大酒下二十九日二

腎虛多唾

論曰水飲非升降不能傳導非陽氣不能消鑠腎虛多唾者蓋緣腎臟不足陽氣虛微而又陰寒凝結停滯于胸膈之間不能消鑠水飲上溢于齒牙故喜唾也

地黃湯 治腎虛使人痰唾不休

懷熟地 鹿茸 巴戟天 丹參 五加皮 枸杞子

二兩 車前子 桂心 防風 一兩 水煎四錢溫服日二

半夏丸 治腎虛寒唾液不休心胸痞悶

半夏

湯泡七次為末用薑汁和作餅晒乾炙

人參

附子

前胡

一兩

五味子

枳殼

檳榔

赤茯苓

陳皮

桔梗

訶勒皮

五錢

共末酒煮糊丸梧子大薑湯下二三十九

日二

骨虛實

論曰腎生骨髓骨髓者腎氣之餘腎氣虛則骨髓痠疼倦而無力其氣實則骨熱苦煩津液內燥當隨症施治

補骨脂湯

治骨虛痠疼多倦不能久立

補骨脂

人參

附子

五味子

肉蓯蓉

一兩

水煎三錢去滓入酒二分溫服日二

白芍虎骨散

同

白芍藥

咀一斤

懷熟地

咀五斤

虎骨

四兩剉

用白酒一

斗浸三宿晒乾又浸又晒以酒盡為度共末不拘茶

酒下二錢日二

四物湯

治骨髓實苦疼煩熱

葛根汁

生地汁

麥冬汁

白蜜

各鍾半

共和勻分三服每服入水半鍾同煎溫服

髓虛實

論曰骨髓之病應肝膽若其腑臟有病皆從髓生蓋熱則應臟寒則應腑故髓虛者腦病不安身常清慄髓實者身體煩躁勇悍驚熱此髓虛實之候當隨症施治

補虛羌活丸

治髓虛寒腦痛不安身常清慄

羌活 川歸

人參

川芎

桂心

大棗

去核三

十枝

羊髓

牛髓

真酥

大麻仁

各一合研

共末入髓酥和勻入器內重湯煨稠丸梧子大空心

酒下三四十九日二

溫髓湯

治髓虛骨寒

附子 人參 桂心 黃芪蜜炙 細辛一兩
水煎三錢溫服 髓實者於腎實并骨實中求之

膀胱腑門

胞痺

胞轉

胞痺

論曰內經謂胞痺者小腹膀胱按之內痛若沃以湯澀于小便上為清涕夫膀胱為州都之官津液藏焉氣化則能出矣今風寒邪溼氣客于胞中則氣閉不能化出故胞滿而水道不通其症小腹膀胱按之內痛若沃以湯澀于小

便以足太陽經氣闕故熱而痛也上為清涕者以足太陽經直行者從巔頂入絡腦腦氣下灌出于鼻竅則為清涕矣

溫腎湯 治胞閉小便不利腰脊疼痛腹背拘急絞痛

澤瀉 白朮 赤茯苓 黑乾薑二兩

水煎四錢溫服日二

人參湯 治胞痺小便不利

人參 白芍 川芎 生地 川歸 赤茯苓 遠志 子苓 五味 甘草 麥冬 乾薑一兩 桂心二兩

水煎羊腎取汁入大棗煎五錢溫服日二

腎瀝湯 治胞痺小腹急痛小便赤澀

麥門冬 犀角 五加皮 杜仲鹽酒炒 桑螵蛸十枚切破 赤芍藥 木通 桔梗炒 水煮羊腎一對取

汁煎五錢去滓入竹瀝半合薑汁少許再沸溫服日二

胞轉

論曰胞受水液氣未轉行則小腸滿脹或飽食用力或因合陰陽令胞屈辟小便不下遂致胞轉其候水道不通小腹急痛煩悶汗出氣逆奔迫甚至于死名曰胞轉宜速治

之

虎珀湯 治胞轉臍下急滿或因霍亂而得者

虎珀

研一兩

阿膠

炒五錢

車前草

三兩

葱白

二七莖

用水五鍾煎葱白車前取汁三鍾下膠末次下珀末

微煎分三服

石菖蒲散 治胞轉不得小便少腹急痛

石菖蒲

滑石

飛過一兩

共末用雞子白和二錢下頃再下

秦芫湯 治胞轉不得小便小腸滿脹

秦芫

水煎五錢空心溫服少頃又服以差為度

琥珀湯 治胞轉小便不通小腹痛煩悶

琥珀

研細

生大黃

滑石

飛過

車前子

車前葉

一兩

水煎五錢入葱白三寸空心溫服日二

車前草飲 治胞轉臍下急滿小便不利

車前草

去根一握

用水三鍾煎溫服日二以差為度

聖濟總錄纂要卷十六終

聖濟總錄纂要

卷十六

胞轉

聖

